



1524



誠意伯劉文成公文集

八



Inches

Centimetres

TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color

Black



太師誠意伯劉文成公集卷之十四

後學麗水何鏗編校

七言古詩

為祝彥冲題山水圖

高軒玲瓏不受暑半幅輕綃宿烟雨白屋素壁生空明似聞
水聲繞庭宇松髯拂天藤蔓垂枯根瘦石相因依寒濤不驚
虎兕卧嵐翠欲與蛟虬飛空江悠悠一漁艇渚白沙明萬魚
靜武陵桃花何處尋落日微風片帆影

徐資深華山圖

華嶽插天七千丈丹崖翠壁開仙掌壁間擎出黃河流大禹

以之分九州河流袞袞赴溟漲華岳拔出天河上雲宮霧窟
疑本無石室金臺儼相向玉泉高通玉井津中有蓮實如車
輪世人肉食未羽化可望不得聊相親高堂晚晴圖畫展眼
明一見心自遠世間塵土今紛紛吾當拂衣卧山雲

末康胡元鼎白雲樓

少年辭家往京國蓬根一斷無消息有時長想白雲飛江海
茫茫淚霑臆歸來拜母悲且喜悔作他鄉遠遊子却起高樓
對白雲綵服翩翩足甘旨昔時望雲煎百慮今日看雲美無
度却憶天涯望雲日平生心事從此畢

贈醫士黃元之

先生軒轅之子孫手提萬物生死根神功微妙不可狀能使
元氣回遊魂篋中末芽抽粟粒丹光照耀三彭泣銜珠不受
脩蛇報采藥常令白猿捨捨結廬幾歲吳山阿赤松玄俗時相
過更向蓬萊下神水併與人世清煩痾

中峰禾先和尚醉墨圖

老先行脚遍天下五湖七澤胷中吞淋漓醉墨落人世恍惚
目擊瀟湘存蒼梧飛龍去不還洞庭赤沙流水渾九疑竹枝
餘淚痕澧蘭沅芷化蕭艾古木雨炫寒烟昏雲帆縹緲向何
處波浪瀕洞驕魚鼉我生胡為驛旅間感時覩物生愁怨還
君此畫歌一曲悲風慘淡來崑崙

夜聽張道士彈琴

道士字君度

白澗含光月照席梅花入簷珠的皜蓋宮道士彈七弦明星
在樹霜滿天鏘如暗泉發幽竇悄若空山叫哀狃霧雨寒吹
松柏響波濤怒激蛟龍聞神奔鬼恠入杳冥鸞孤鶴寡風冷
冷湘娥宵攀竹枝泣紫鳳曉啄梧桐鳴悽悽欲斷還復續啼
鶯一聲春草綠蒼然清商行素秋落葉灑地蟲啾啾擁余聽
之消百慮夢逐行雲自來去九疑連天洞庭遠海闊煙深不
知處蓋宮道士聽我語世無子期誰識女妾間濮上方施行
白雪陽春棄如土

辛卯仲冬雨中作二首

江城積陰愁玄冬千家萬家雲水中烏啼黃昏鴈叫夜鼓角
慘澹愁悲風青燈無光掩關坐飢鼠相啣啼過我讀罷殘書
有所思凍雨霏霏淚交墮

歲云暮矣風蕭蕭木葉脫落惟空條雲濃雨細白日短慘慘
不辨昏與朝雨中行人足斛鯨去與公家製戎服中原豺虎
正橫戈天寒風急奈爾何

悲杭城

觀音渡頭天狗落北關門外塵沙惡健兒披髮走如風女哭
男啼撼城郭憶昔江南十五州錢塘富庶稱第一高門畫戟
擁雄藩豔舞清歌樂終日割臙進酒皆俊郎叱閑人氣驕

逸一朝奔迸各西東王竿金杯散蓬華清都太微天聽高扁
略龍韜緘石室長夜風吹血腥入吳山浙河慘蕭瑟城上陣
雲疑不飛獨容無聲淚交溢

夏夜台州城中作

江上火雲蒸熱風歎雨不雨天曹曹良田半作龜兆拆杭稻
日夕成蒿蓬去年海賊殺元帥黎民星散劫火紅耕牛剥皮
作戟具鋤犁化盡刀劍鋒農夫有田不得種白日慘淡衡茅
空將軍虎毛深玉帳野哭不入轅門中健兒鬪死烏自食何
人幕下矜奇幼今年大軍蕩淮甸分命上宰麾元戎舞干再
見有苗格山川鬼神當効忠胡為旱魃還肆虐坐令毒疹傷

和冲傳聞逆黨尚攻剽所過丘壠皆成童閫司恐畏破和議
斥堠悉罷雲邊烽殺降共說有大禁無人更敢彎弧弓山中
悲啼海中咲蜃氣繞日生長虹古時東海辟孝婦草木枯瘁
連三冬六月降霜良有以天公未必長瘖聾只今幅員廣無
外東至日出西太蒙一民一物吾肺腑仁者自是哀鰥恫養
梟殛鳳天所厭誰能抗疏回宸衷夜涼木末掛河漢海嶠月
出光玲瓏仰視皇天轉北斗嗚呼愁歎何時終

老病歎

我身衰朽百病加年未六十眼已花筋牽肉顫骨髓竭膚腠
剝錯瘡與癩人皆愛我饋我藥暫止信宿還萌芽肺肝上氣

若潮湧舊劑再歎猶淋漓有眼不視非我目有齒不齧非我
牙三黃苦心徒自療五毒浣胃空矛戈因思造物生我日脩
短已定無舛差瑇瑁不能使之少盧秦焉能使之加攻犀豎
朽各有分鳧悲鶴悼何繆耶不如閉戶謝客去有酒且飲辭
誼諱

題松下道士携琴圖

道士抱琴松下行松風入耳清涼生石梁苔滑不可上潭水
泠泠學琴響琴有意兮水無心水中有龍能聽琴琴聲淒斷
水流咽月滿空山落松雪

錢王箭頭篇

鳴夷遺魂物餘怒欲取吳山入江去雷霆劈地水群飛海門
扶胥沒氛霧英雄一怒天可回肯使赤子隨鮫鮓指揮五丁
發神弩鬼物辟易腥風開三百年来人事改濤落沙平箭空
在石梁飲羽未足誇蜀國三犀漫欺給近聞黃河水亂流青
徐一半悲魚頭安得壯士斡地軸為拯斯民塗炭憂

次韻和石末公七月十五夜月蝕詩

招搖指坤月望日大月如盤海中出不知妖怪從何來悄恍
初驚天眼映兒童走報開戶看城角伊嗚聲未卒蟾逃兔遁
漠無蹤瑩隕珠沉一何疾丈夫愕視隘街巷婦女喧呼動圭
筆輝輝稍辨河漢沫耿耿漸明荒冢漆百官袍笏群吏趨伐

敲撞鉦仍設鞀赤水難令罔象求澗池莫効相如叱升簷變
閣到空曠盪掩氛侵殊靡畢廣寒桂樹劫火燼借問嫦娥有
何術今年下土困炎沴草木焦枯野蕭瑟萍號喝死龍甲炊
赤燦當衢掛萍實光芒照灼玄武爛誰復瑣瑣憐蚌鶴今夜
慝作最差異天道幽微孰能詰太陰配日宰臣象無乃常刑
多縱軼近來營壘徧宇內羽林慘澹空鐵鎖荒郊廢市何所
見夔罔蛟蛇蕪蚤蠹此皆在地不在天未若蝦蟇狡而猶黃
文結鄰上訴帝賜以小戎駮牡騰剖墓洗魄還月光再起咎
繇明典秩返蟾歸兔復織阿萬古游塵避清蹕

再用前韻

虞淵鎔鈸納歸日金樞吐月相承出初離積水看若飛稍映
微雲眈猶眈是時暮收聲視政莎雞振羽鳴蜩卒姪娥靚粧
覲玉帝坎軻中途嬰禍疾旅人苦熱愛清涼快覩光輝滿蓬
華願開寶鑑照覆盆豈擬障塵昏點漆隋珠慙固重革櫃和
壁嗟蒙韎韞韞吳罽樹折不自謀織阿馬弱無人叱三足蟾
驚入坎窪八竅兔走罹且畢圍灰破暈謾傳方屑玉補凹空
著術雷公駭懼罷靈鼓湘文幽憂含鳴瑟故老謂是蝦蟇精
潛伏姦妖營口實羲和乃位罔聞知可以人而不如鷓往歲
威弧弛其殼蛇豕陸梁誰復詰高牙太燾擁藩垣腸斷吞聲
受陵軼江淮洶湧湖浙沸骸骨成山連鬼鎖萬姓喁喁釜粟

魚百官蠢蠢禪中蟲黃茅白葦棄賢良赤紱玄裳寵狎猶吳
夸示變盍警言畏惟德動天天有騰况今旱魃又為厲東作西
成不平秩安得絨辭伏閭闔聖主如聞應駐蹕

聽蛙

統舍荒池底且飢蟄蛙齊候鳴雷社已知地氣上如炊更覺
石泉流若瀉舉頭玉燭煥陽明竭足汗淫悲土直半夜條風
入綺牕清晨細雨霏簷瓦梁間紫燕舞參差枝上黃鸝語悲
蛇播形肖貌均有生感氣傷情孰瘖瘖初聆衙衙雜更鼓漸
聽嘈嘈成侈多猶持堅白較同異似坐狙丘談稷下村童叫
渠聾學究悍婦勃磔喧姊姐西域胡僧彈般若齊東老生矜

炙輟逸帆觸岸靡薰葭醉客罵筵投盞竿叨咬誰辨驃兒哇
編君乍開寶叟嘲怒牙嚼齧悖羅吞寤言詰在驚宜樹徒夸
楚使能詈齊未讓秦巫上詛芊朮醜傑佞紛覩綵帝樂虛張
洞庭野虞夔奚暇調笙磬周替曷由分鄭雅旅人懷憂實無
寐遭此彊聒胡為者得非作姦謀蝕月無奈聚訟騰謹設昔
聞周公立典教蚘氏專司鞠灰灑常疑聖人茂育物獨向微
蟲少寬假乃今知其非瑣屑欲問官司乞餘地鳳皇鸞鸞聲
苦希白雪陽春和偏寡蚊蠅蚤蟲多於汝鑽啞啞鳴紛醜棍
蝦蟇幸不含毒螫何苦效號爭吧珂為鷺逐響蛇聽音寧顧
入腹生癢痕賦詩却咲柳柳州忍使腥臊辱殖鮓

贈道士蔣玉壺長歌

先生清如玉壺冰神閑志一精粹疑玄黃健順六子承和氣
坎北麓穢澄冲虛澹澹廓以弘冥茫沕穆怙無能火鳥入海
陰液升鵠蛇受約不敢騰束縛龍虎如寒蠅虛無黃堂帝所
憑四方上下齊鈎繩北幽羅鄴對朱陵女夷鼓歌王母應瓊
宮夜半張華燧金葩碧葉紅耗耗素霞霽滄玄雲烝沆瀣厭
滄淪泉與壘牛織女來相仍用之不減亦不增地官錫福天
官徵老蚌迸殼驪珠升太一象輿懸八鵬翼以六蜺前五騰
風輪蕭蕭生夏凌參旗九旂茂緄騰二八青蛾美目騰翠紫
交翟翎璫屬車九九如連繩最後雷軹子所乘流蘇勒罕

垂鏤鷹煽爛駸馬駟駘踏霞踏霧碎綺綾天津閣道輜輶
較歸來瑤臺十二層月光照耀玻璃棚下視瀛海波濤砒龍
宮蜃窟寒統統歸塘榜谷清可憑鱗甲鏡瑩鰐與蛟相妃鼓
瑟水絲緝撻金戛玉萬穴瀆琅玕風吹簌峻嘈琉璃雲母龜
貝朋琳房壁甃瑤階陸素鸞據迅霜女扔璇題瑣牕蕭蕭韻
洞晃矚朗眩遙澄瘁肌砭髓魂歆宛忽然浮空墮香曹馳
電耀羽脫肱天衢阻遐世網罟昏昏日月敲炎蒸句曲之山
萃礪礪楓杉檜栢楮桂朽衡蘭杜若蕙萑萑綠岡被頰幕礪
陞大地浪井瀑練瀚萍瀕繡繪芙蓉淩鬣虬蚰蚪千年藤纏
絡薜荔縣鬚鬚敷芳發馥菲芬芳衡樹徧蛙鴈蒼鷹攀援歛

若巖萼崩寒螿蟪蛄蟬
犯蟪嵐餐鷲飲喧岷
先生皮冠衣絳繒
桃枝七尺穿虺騰
三茅真君共嗟稱
星根絕頂時同登
黃斑黑虎陟降凭
石罅其漿溢若澠
神芝吐皎如貧簋
食時動機保不薨
驅斥珞瓊除癘瘵
眸光照座生紫稜
舉觴引滿鯨喉
渠鮮后見之喜莫
勝揚眉抵掌開蒙
顙人生嘉會安得
恒靖恭正直天所
初作詩持贈匪妄
詭

古歌

三首

紅葵高花高以妍
清晨方開夕就焉
美人迢迢隔山水
可望不見心茫然
花開花落日復夜
惟覺新年非故年
人生百歲花一度
何不作樂令人憐

舊花欵落新花好
新人少年舊人老
佳人見此心相憐
舉觴勸我學神仙
我聞神仙亦有死
但我與子不見耳
祇言老彭壽最多
八百歲後還如何

雙燕雙飛入我堂
銜泥養雛何太忙
養得雛成却飛去
雙燕雙飛復如故
東園桃李春萋萋
日華烘露生紫霓
一朝實熟付人採
葉枯枝折空成蹊

道士周玄初鶴林行

鶴林道士軒轅徒
以騖為輪雷為輿
開山養鶴作騏驎
上下二儀周六虛
雛成洗髓扶桑窟
縞練羽毛鏐鐵骨
聲飄碧落玉清揚
影拂太微雲滅沒
永夜月明風滿林
竹栢戛擊笙簫

音云是旌陽許縣令躡蹻佩劍來相尋靡萍西枝搖倒景借
去林間兩丹頂伐蛟北海莫玄冥斬蜃南訛封浪井上窮列
缺旁九圍却過度朔山中歸歸來贈我桃樹枝朱衣赤郭手
所持令我鞭龍扶虬兕縛臊魑如奴虜授我堯時松子訣
轉晴出電噓成雨鍾山秀色連冶城百花統屋風泠泠焚香
獨坐誦真誥墜露點滴流華星土伯駿奔從號令鶴鳴聞天
空谷應寥陽寶殿歌步虛河漢當窓回斗柄嗟子衰朽雜病
攻盈顛素髮吹秋蓬空餘硬骨如瘦鶴因子致意浮丘公

送李叔允脩撰致仕歸鈞州

憶昔西京祖二疎都門供帳羅長衢金張許史集軒蓋彈琴

鼓瑟吹笙竿頰頰鶴髮映霄漢蒼松翠栢紅珊瑚道傍觀者
皆慨歎此士足為天下模先生胷蟠五車書雍容進退安且
徐披香朝侍紫宸案珥筆畫入

承明廬引經論奏動

天聽

天語親授非臚句老年謝事歸里閭召見特許兒童扶

臨軒賜膳侑金幣尚食供奉黃門趨夜來微雨清郊墟紺

黃漚柳鶯相呼風吹暖烟逗白日露濕芳草留驪駒雖無旨

酒嘉穀蔬短歌一曲聊踟躇浮雲流水無根蒂人生何者為

騏虞高高少室衆美奧素石如玉泉如酥時清四野樂耕稼

雉鳴麥秀千華敷親朋會合各慰意况有令子知勞勩揮金
買酒沐

聖澤怡情之外吾何須西飛鴻鴈東飛魚相思迢迢天一隅
贈言有盡意不盡努力善保千金軀

松葉酒歌寄梁安宅

道人贈我松葉酒味似瓊漿色瓊玖燕之骨爽神魂清令我壽
同金石又我生疎嬾無所能瘦皮黏骨危峻嶒病來啖藥猶啖
水夢寐恍惚風中燈常聞徂徠有嘉木玄醴滌濯黃露沐上
有兔絲揚翠於下有茯苓疇白鹿咀華嚼葉燕以津歲久定
化腸為筋便從僿佗覲黃帝身騎肉角青騏驎我欲求之百

憂集滿眼蚊蠅隨出入跋烏箭逝織阿急日暮空瞻鄧林泣
道人此酒還有方我欲與子同徜徉世上神仙亦何限留侯
辟穀應未晚

枯樹圖

道傍古樹身半枯白蟻穴根蟲穴屑風摧雨撼霜雪凍斷石
斃碗無人扶憶昔勾芒肇初政百卉騰達隨呵噓新柯荏苒
舊柯吐霧露膏沐光如濡黃鸝翡翠語嬌滑葉扈戴勝鳴相
呼白鶴來巢鹿止蔭匠石愕睨爭歎譽寧知憂患生旦夕野
火倏忽起不虞燎原烈焰難嚮邇孰問柞櫟杉與楮枝燔葉
斃根半赤朽腐滿液非特須山林搖落歲方晏聊以薜荔為

衣袂嗚呼廣厦棟梁具委棄草莽同新蕩
皇天未必替生意更晴玉燭回腸烏

正月十五夜燈花大開作

燈花如管紅且綠燈花有意憐幽獨夜寒衾冷涌聲遲卧看
瓊枝綻金粟涼蟾入戶四壁空地爐宿火天無風祥煙抱日
麗碧落驪龍吐珠歌紫虹人言此花專報喜勞生短髮絲垂
耳无望之福非所希無事惱懷吾足矣呼童添油引良夜九
衢燈月光相射漫沾濁酒餉離魂豈必忘憂惟樹萱

為韓克銘題畫石鼎聯句圖

軒轅道士軒轅孫昔隨飛龍陟崑崙乘騎六氣遨乾坤上窮

混沌無涯門下扶若木扶桑根旋雷舞電訛晨昏批蹴虎豹
號帝閭搥擊河鼓牛騰騫擗虹織輝絢澤原三足老鳥不敢
輒迷離缺兔駭且奔羲和顛號訴至尊謫降下土營丘樊結
喉長頸古貌存如鶴如鵠如龍蛇詰屈不作人間言涕唾落
地生蘭蓀驅叱碣石歸河源蜚廉屏翳雙挾轡擊捩象齒愁
育賁山玄水蒼琮琥璚離羅璫錯輝熒燉笙鏞琴瑟篪與壎
五音翕繹珠瀉盆吹為栗烈呵為暄扑扶罔象咎鼉鼉饒鱗碎
易徙厥屯束縛慘魑魍魂秉昇赤郭充朝殮妙用歛忽無
留痕嗟哉二子爾曷寃如井谷鮒當化鯢嚶嚶草蟲呼阜蟻
歆與螻蛄語涼温不知風霆掣墻藩江騰海躍喬嶽翻鬼物

喘汗相濡歎葵靈漂搖失所躄
散菟夢寐精魄惛低頭拜代
讐再論陽春二月花滿園掩關獨坐
辭評誼按圖索意聊滌
煩羨君軒轅之後昆浩歌一曲期勿謾

寄贈懷渭上人

老僧懷渭字清遠曾蟠文史三千卷
雪晴太白王為峰月出藍田金作燭
少年挾策走四方要看蓬萊水清淺
燕山帝京龍象會瓊臺寶林發關鍵
橫空鷗鷺撒高秋縱轡驪騮逸長
坂麗眉老宿皆震驚觀者解頤陪者
赧奎章學士虞邵菴嗜嗜稱誇枯舌
本連床咲語到晨雞走筆贈言何款
悃轉頭霜雨四十年萬事茫茫不堪
付江湖鯨浪客舟寒地爐宿火僧

房煖我來邂逅一見之憶曾相識
嗟成謾世士如公良所希方外只今
還有限我如野馬貫數澤絡以羈韉
知必疏老來耗毫百事違况俾三廬
宅愁眼甚欲歸依白蓮宇其柰素餐
非力墾寄言聊復寫中懷白石清泉
猶未晚

金碧山水圖

武陵桃源今有無展盡渾如夢中見
青螺作山綃作雲白日蒼茫曖芳甸
雄梁跨壑矯脩虹走瀑懸嵯激飛電
紫鳳霄鳴梧樹枝青雛曉啄桃花片
鳥啼長是豔陽時草色寧隨霜雪
變衣冠尚存周典則租稅不輸秦郡
縣山中肉芝美堪食澗底石泉清可
嚙安得此地結茅屋寄書漫託雙飛
燕

雪晴偶興因以成篇

玄雲四垂天黯黯大野蒼茫飛雪糝北風刮面利如刀海氣
昏昏迷遠覽若華東光封密霧比屋無烟色悽慘天姥沈陰
禹穴閉扶胥海濤渾不撼愁埋朱鳳入杳冥凍縮赤蛟深坎
窞猿狖哀號咽巖谷鴻鴈驚啼亂葭菼壯士金戈鉞鏖凌將
軍玉帳旌旗黥師徒百萬盡熊羆幕下從官皆燕頤馬蹄蹴
蹋坤軸震夜半入蔡何人敢蒼山野客拙且懶旅舍蕭條坐
無毡頑童汲井十指直稚子敲冰兩髦髡今朝出日照梁棟
樓外遠山皆菡萏初驚急溜瀉源泉漸看縣漸掛旒紉那無
美酒洗胷臆空有新詩吐肝膽先人散廬松柏在墻角早梅

應可擘蝮蛇張鱗虎掉尾平地倏忽成窠壙藩閩官曹厚祿
食忍以黔黎為醢醢天民日望天愛憐破瓦頽垣最悲憐農
家齊仰二麥成且喜土膏滋九坎清晨樹上啼布穀柳下碧
波漪澹澹安得扁舟泛五湖莫使中心橫百感

題群龍圖

世間萬類皆可觀茫昧獨有鬼與龍此圖畫龍二十四狀貌
詭譎各不同得非物產有異種或曰神變無常蹤一龍捷尾
欲上木足爪猶在齋云中一龍出穴飲澗底頭上飛瀑瀉白
虹前有一龍已在雲頤視厥子揚雙瞳浪波魚鱗沓壑壟日
車塊北天無風中庭兩龍忽相逢須眉葩髻如老翁便欲角

賦爭雌雄西望積石接崆峒白龍擘石窺流滾河伯遠遁虛
其宮屈蟠睡者何龍鍾老物用亢時當終峽外六龍瘳以兇
矜牙舞爪越戟攻齧鱗鬣甲含劍鋒陷胸折尾波血紅之死
弗悟人誰恫一龍引吭將欲從迴環睢肝未敢通最後一龍
藏於控睥睨勝敗非愚蒙無乃有意收全功雲中美珠勞爾
躬不如卧沙之從容龍子學飛力未充母在下視心憧憧何
物一角額準隆赫然出洞若蛇蟲有龍接之自龍從恐是輩
穴王鮪公皮骨始蛻形猶蒙兩龍歸來倦不种癡龍攀石身
已癢蚰蚪偃蹇歛騰衝蜚螻攪躍鬚髮茸哇呀奔拏曲如弓
百態並作何紛麗是耶非耶孰能窮畫師昔有僧繇工能令

真龍下虛空安得伶倫截竹筒吹之呼龍出石罅使我一見
開昏曹

為丘彥良題牧谿和尚千鴈圖

往時惠崇畫蘆鴈對之如在江湖游只今此圖又精妙中有
千里瀟湘秋乃知淨脣性多巧意匠不與凡夫儔吳松江長
具區闊天目虎丘青一髮西風九月杭稻黃朔鴈飛來翼相
戛農夫苦飢鴈獨飽此意畫師應識察近者分明辨羽毛遠
者縹緲瞻秋毫或乘飄風入烟霄或翳落日沉隍濠越如武
侯布八陣集如萬舞回旌旄眠沙卧草鳴且翔喋呷藻荇亂
蓬蒿禾空穗盡却歸去紫塞漠漠春雲高我家南山限蒼嶺

鴈飛不到川路永深林大谷蛇豕盛愁向他鄉撫虛景人言
鴻鴈比弟兄我有兄弟隔兩城題詩卷畫謝客去無使感愴
傷中情

雨中寄用章上人

月盈復魄已過五不見白日長見雨美人娟娟隔巷陌會面
不得徒延佇着邪當門泉湧變仲蔚蓬蒿塞環堵陰風向人
作秋氣芳草日夕成宿莽玄圭上天禹穴閉倉水使者今何
許王京群仙翳煙霧弱水西流隔玄圃女夷鼓歌不自覺朱
鳳翅濕那能舉自從干戈起淮甸天下無處無豺虎微歛頻
煩轉輸急更有何鄉為樂土翳葉餓人誰復數思家遠客空

悽楚半生身世付浮雲獨立看雲百憂聚晚來天南橫絳虹
雨勢未已愁雷公井蛙谷鮒俱得意汜濫潢潦登穹隆方外
文章誰最好後有嬾公前笑老裁詩忽漫寄中情萬事茫茫
聽蒼昊

玉澗和尚西湖圖

大江之南風景殊杭州西湖天下無浮光吐景十里外疊嶂
湧出青芙蓉百年玉氣散荆棘惟有歌舞留歡娛重樓峻閣
競鉛黛媚柳嬌花使人愛老僧不善兒女情故作犢豪見真
態想其泚筆欲畫時高視盡工如小兒千巖萬壑吾意匠不
娥巨靈吾指麾却憶往年秋雨夕畫舫衝烟度空碧蒼茫不

辨雲與山但覺微風響蘆葦
荻須臾冷月迸深霧時見松杉半
昏黑開尊命客彈焦桐扣舷大咲驚海童
鮫人唱歌魚鼈應水底影動雙高峰
只今倏忽成老翁可憐此樂難再逢
愁來看畫欲自適誰知感生愁轉劇

顧周道山水圖

憶昔晉時顧庠頭能畫聲名塞穹昊
千載而下繼者誰君之耳孫字周道
江南山連滄海島水遠山長愁絕倒
興來走筆如有神濃抹淡粧無不好
前峰倚天自太古知是天台是天姥
烟開浪波搖浦淑草滿江洲樹如羽
山迴兩崖夾幽谷小橋俯映菰蒲綠
扁舟何處覓鱸魚滄浪水寒空濯足
柳邊碧

石明素沙茅廬似是陶公家
衡門晝掩雞犬寂誰人共采黃
金花我屋雙溪松栢裏清泉皎潔無
泥滓鳳皇不來鷹隼逝白日鳴鴉嘯
桑梓華表柱頭丁令威風塵頃洞何
當歸感時對景重回首不知人民今
是非

題富好禮所畜村樂圖

我昔住在南山頭連山下帶清溪幽
山巔出泉宜種稻繞屋盡是良田疇
家家種田耻商賈有足懶踏縣與州
西風八月林潦盡稻穗櫛比無蝗蟲
黃雞長大白鴨重瓦甕琥珀香新
芻芋魁如拳栗殼赤獻罷地主還相
酬東鄰西舍迭賓主老幼合坐意綢繆
山花野葉插巾帽竹筴漆椀蕪甕醪
酒酣大

賦集卷之四
卷十四
一七
咲雜語話跪拜交錯禮數稠或起頓足舞侏儒或坐拍手歌
甌篋傾盆倒榼混醯醬爛熳沾漬方未休兒童跳躍助誼諫
執遁逐走同俘囚出門不記舍前路顛倒扶掖迷去留朝陽
照屋且熟睡官府亦簡少所求寧知宴安含醜毒未帮一變
成戈矛高門大宅化灰燼蓬蒿瓦礫塞道周春燕營巢在林木
深山露宿隨猿猴三年避亂客具懸側身天地如浮漚親朋
阻隔童僕散疏食水飲不自謀有時恂恍夢閭里驚覺五內
攢百憂君家畫圖稱絕妙鑒別曾遇柯丹丘想應臨榻出秘
府筆意精到世罕儔村歌社舞自真率何用廣樂張公侯太
平氣象忽在眼令我感愴涕淚流近者鄉人來報喜今歲高

下俱有秋豺狼食飽卧窟穴軍師已運招安籌人情自古共
懷土况乃霜雨淒松楸神龜且被預且困予所弗念天我尤
積薪厝火非遠計誰能獻納陳嘉猷長江波浪接淮泗白日
慘澹騰蛟虬天下農夫總供給隴畝不得安鋤耰市中食物
貴百倍一豕之價過於牛魚蝦菜菓乘賣米官幣束閣若贅瘤
朝餐僅了愁夕膳誰復有酒澆其喉循環天運往必復邪氣
暫至不遠瘳此生此景須再覩引領帳望心悠悠

題湘湖圖

君山洞庭隔江水彭蠡無風波浪起明窓曉晴圖畫開興入
湘湖三百里湘江兩岸山縱橫湘湖碧繞越王城越王城荒

陵谷在古樹落日長煙平游子天寒孤棹遠七十二谿飛雪
滿浩歌不見濯纓人沙鶴野猿相對晚湖東雲氣通蓬萊我
欲從之歸去來蛟鼉塞川陸有虎兩臂無翼令心哀

為啓初門和尚題山水圖

天下名山隨處有畫圖流傳亦良久祇園道人展橫幅觀者
稱誇同一口蒼梧九疑高插天卷而懷之不盈手巨靈驚呼
盤古怒地軸缺北昆侖剖太陽出海開杏真嶓冢岷峨大如
斗華軒無人清晝閑恍然置我匡廬間金輪迥出牛女上遠
近羅列千雲鬟江花野竹青錦斑嵌巖斷石蛟鼉頰岡盤谷
轉絕徑路但見湖水迴瓊環白沙洲暖春風起南船掛帆北

船纖吳波不盡芳草外楚岫半入長烟裏夜深小龍行雨歸
宮亭月落彭郎磯旌陽步虛廬老和雜佩散作虹蜺飛百年
塵世真夢寐回首旌旗塞天地舊游何處成渺茫一曲狂歌
數行淚青丘弱水迷方壺武陵桃源今有無瑤臺三島消息
斷安得羽翼歸清都

題趙學士松圖

白塔

趙公拈筆作古松平地躍出三青龍蜿蜒不上霄漢去爽颯
長留烟雨濃前朝美人鬪草處猶有當時數株樹江亭六月
涼如秋應與此圖相對愁

題李陵見蘇武圖

蘇武牧羊圖

卷十四

七

中原無書抵不乳狐裘蒙茸奈何許老身漢節死生俱地角
天涯見明主金鞍駿馬空故人相看一笑增悲辛悲來風沙
吹上馬河水東流日西下

空一作吾

雪鷓篇贈詹同文

有鷓有鶴丁令威碧玉為骨玄霜衣層城十二身所依千年
伐毛一度歸洗髓織女黃姑磯瑤臺雪花大十圍食之神爽
肉不肥乘風振羽芳菲非丹砂結頂燁有輝咳唾璀璨生珠
璣朝遊明星夕大颿騰光躡景超魏魏滕六駿乘虹蜺駢蓋
宮仙娥項帝妃鎔雲鍊雨成瓊歲眩晃晝奪扶桑輝離眸閃
爍不可睇回森縱縱翼縞旂白虎殼棘良厥腓鷓鷯鳥鴻鷓

鷓翬鷓鷯鷓鷯鷓鷯與鷓局促縮胸潛嶠嶠惟有皓鶴從之飛
疎翻夜過東皇畿玲瓏琪樹曼金徽若然長鳴驚海圻海波
噴作煙霧霏馬銜罔象躡若鞮鯤鯨天矯相噓唏銀河腹堅
膠娠締王母桃花凍不緋五色石裂女媧譴祝融上訴開九
扉帝命養之青鎖闈賜以沆瀣憐其機朝朝暮暮朝太微翅
翎披拂天香緋北斗粲爛星依稀翠緞抱日露未晞圓肱脩
趾逸且頤踰踰蹈舞霍以揮散仙引領空相希嗟哉清峻天
下稀勿歎遠東城郭非桂華宵窪其露滋味美遠勝商山薇
擷英為羞堪咀噉比之琅玕亦庶幾盤空硬語去脂韋歌以
贈君君莫譏

贈杜安道

憶昔天兵伐荆楚，舳艫蔽江齊萬櫓。誰聲激烈似雷霆，猛氣
怳然震貔虎。拔柵皖城猶俯拾，探穴九江無險阻。明年大戰
康郎下，日月映北相。吞吐馮夷蹋浪群，水飛巨鼉掉首三山
舞。雲隨太乙擁鋒旗，鼉為豐隆作靈鼓。將軍金甲箭攢蝟，戟
士鐵衣汗流雨。火龍嬉談絳天衢，燧象逐煙煎地府。鯨鯢既
剪，挽捨落草木。熙陽魚出谷，當時從臣皆俊良。近侍共推徐
與杜，或操陳子之刀，緝或負伊公之鼎。俎艱難出入矢石下，
鞠躬盡力無摧阻。夙興夜寐事一人，小心不貳。

帝臨女只今四海同，車軌葑菲罔遺遵。往古瓊琚赤帝造，鷄
行鞍馬祿食光。門戶天雞一聲金闕啓。

龍顏有喜常先覩，顧我愚疎憂患集。病骨峻嶒蒸溽暑，興來
懷舊倚長歌。星星兩鬢絲千縷。

太師誠意伯劉文成公集卷之十四終

旱天多雨意炎燎發洪爐事急徒號梗謀窮漫曝巫王征愆
節制民望失來蘇原籍看如赭哀今鹵掠無

旱天多雨意雲起旋隨風澤氣沉沙白山嵐過野紅乾坤愁
夢裏日月戰塵中漫說生生理如何亦有窮

次韻和石末公旱天多雨意五首

旱天多雨意雲合又還晴苦熱連三伏微涼入五更青山黃
葉遍白水紫烟生旦夕霞標起依稀對赤城

旱天多雨意霞起衆山光日月躔陽道雷霆伏大荒躍淵無
黑蜮在牧有夷羊萬室俱如燬何人尚閔庭

旱天多雨意一望百憂侵海沸羲和日山藏傳說霖南河那

可决北斗不能斟歎息還搔首清商已滿林

旱天多雨意悽惻望鈞陳哀願何時達愁眉盡日顰乾坤三

島浪歲月兩淮塵莫問和調事嗚呼畎畝人

旱天多雨意陰電繞空秋暴客馮高壘良農死築丘干戈猶
未息災沴復何尤軫望成衰疾那堪數倚樓

憂懷

傷離驚歲晏引望起愁端落日烟中小孤雲雪外寒浮生無
限恨垂老異鄉看掩淚觀梅豈中心分外酸

感歎

聞說蘇州破倉皇問故人死生俱可悼吾道一何屯北去應

無路南藩自此貧，淒涼轉蓬客淚盡。浙江濱。

題鑑湖送別圖

曲岸扁舟熾澄湖，祖帳開雲生秦帝。碣雨暎越王臺，荷氣清
瑤席波光灑。玉盃情深不忍別，欲去更徘徊。

次韻和王文明雨中雜興四首

積雨累十日，平湖添半篙。風連箕畢動，雲傍斗牛高。水鶴巢
林木，池魚上野蒿。農人愁餓草，採擷到溪毛。
白日迷陰陸，濃雲沒大荒。雨深筠簟潤，風度葛衣涼。虎豹歸
林濕，魚龍赴壑長。波濤渺清落，悽惻解鳴璫。

濕雲看欲薄，陰氣未全收。日月昏昏見，龜鼈頷頷浮。虛簷騰

肪，蟹壤壁湧蟬。幽獨無人問，含情謾上樓。

青冥不可見，朱夏已無多。雲木光浮沒，川原氣盡磨。荒蕪一
將略，浩汗五湖波。去去滄浪水，君聽鼓枻歌。

題太公釣渭圖

璇室群酣夜，璜溪獨釣時。浮雲看富貴，流水澹鬢眉。偶應非
熊兆，尊為帝者師。軒裳如固有，千載起人思。

稽句頌

白日隱巖壑，千煙氣勢豪。溪流婺女闕，山入少微高。危石天
欹側，長風谷怒號。干戈方自此，行役敢辭勞。

淳安舟中遇雨遣悶二首

一夜青山雨平明黃濁喧亂流翻地軸高響落雲根鍛羽投
林鳥帝飢抱樹後羈懷正愁絕感物重銷魂
溪雨細如霧北風長夏寒汗也不赴壑井谷自成湍蘭庭馨
香盡魚龍世界寬斜陽在林樹時復捲蓬看

丙戌歲將赴京師途中送徐明德歸鎮江

疲馬懷空櫪征衣怯路塵那堪遠遊子復送欲歸人月滿西
津夜花明北固春論文應有日話別莫悲辛

過南望時守閘不得行

客路三千里舟行二月餘壯顏隨日減衰鬢受風踈蔓草湏
句國浮雲少吳墟愁心如汶水蕩漾遶青徐

發景州

澹澹夕風作蕭蕭蘆葉鳴林間衆鳥息河上一舟行海近雲
常濕天虛月更清神京看漸近且緩望鄉情

泛海詠霧

海上苦多霧北風吹更長纔交積水氣已曷太陽光淺亂洲
渚色深迷鴻鴈行神姦馮出入君子慎周防

殺氣

殺氣乾坤黑陰氛日月黃已成心曲亂不復鬢毛蒼夜哭城
笳裏朝烟野戍傍扶傾無郭李何地尚畊桑

遣興二首

白日下西岑空庭生夕陰郊原過雨色鍾梵隔牆音有感憂
思積無能老病深露從河漢落不覺滿衣襟

月是今宵滿花從昨夜開看花嗟寂寞對月且徘徊白髮添
無數青春去不回莫思人隔世聊樂酒盈盃

四月十二日發揚州

幾見明月滿猶嗟行路難時平耻無用身賤敢偷安天地山
河闊風沙道路寒旅人元有淚不必雍門彈

濟州太白樓

小逕迂行客危樓舍酒星河分泚水碧天倚嶧山青昭代空
文藻斯人竟斷萍登臨無賀老誰與共忘形

送僧家奴叅政赴河東宣慰使

二首

雲中形勝地關塞接天長白草連沙漠黃河入晉陽老臣持
節鉞大闢壯金湯昭代思賢佐須公在廟堂

大闢諸藩上元戎朔漠間天低馬邑塞河入鴈門關落日旌
旗靜高風堡障閑旬宣推碩望喜色動龍顏

送人赴德清稅

鏡湖木葉落震澤水波生鳧鴈衝人起笙歌送客行鹽津魚
罾集菜屋繭絲明王稅隨時足吟哦待太平

題釣雪圖

雪暗洲渚白江清蒲柳寒悠揚隻短棹汗漫一魚竿忽憶滄

浪曲因悲行路難蛟鼉正驕恣還為爾長歎

將曉

愁夢不更續寒天將欲明雪風吹海樹霜月凜江城衰病丹
心在艱屢素髮盈殷勤東注水渺渺若為情

不寐

不寐月當戶起行風滿天山河青鬪裏刁斗白雲邊避世慙
商綺匡時愧魯連徘徊懷往事惻愴感衰年

秋感

老病偏多感宵長晝亦長衣冠方謝暑枕席已驚涼往事鑄
心在新知過眼忘籬邊舊栽菊歲晚為誰黃

秋興

天淨山月出水寒沙鳥鳴孤燈秋後思短笛夜深情江海空
衰鬢乾坤未弭兵清都隔河漢詞禁有開明

晚思

返照吳山外啼雲越水頭寧捐白羽扇却着黑貂裘草暖鳧
鷺渚波香杜若洲艱難愧生事汗漫想扁舟

望孤山作

曉日千山赤寒烟一島青騎心霜下草生慙水中萍黃屋迷
襄野蒼梧隔洞庭空將垂老淚灑恨到滄溟

青絲馬

蹀躞青絲馬艱難亦伏符窮陰歲欲暮落日鬼相呼見鴈愁
心裂看天淚眼枯殷勤夜深月還照旅魂孤

十二月一日

耿耿夜不寐源源憂思來歲餘三十日腸定九千回江響風
初發天昏月未開白頭真合得非是楚猿哀

古戍

古戍連山火新城散地箱九州猶虎豹四海未無麻天迴雲
垂草江空雪覆沙野梅燒不盡時見兩三花

客路

客路秋風裏扁舟夕照時渚鴻魚復陣江樹井陘旗衰朽嗟

誰與愚蒙荷

帝慈山中牧羊子歲莫尔相期

逢熊文彥 二首

相離已隔世相會豈忘情識面非觀貌知心只記名夕陽荒
野闊秋水大江平往事無勞問空令萬感生

憶昔相逢處湖山錦繡春筦絃喧夾巷花柳隘通津離別人
非故推移物自新愁來重回首涕淚下露巾


五言長律

錢唐懷古得吳字

澤國繁華地前朝舊此都青山彌百粵白水入三吳良嶽銷

王氣坤靈肇帝圖兩宮千里恨九子一身孤設險馮天塹偷
安負海隅雲霞行殿起荆棘寢園蕪幣帛敦和議弓刀抑武
夫但聞當宁奏不見立庭呼鬼蜮昭華袞忠良賜屬鏤何勞
問社稷且自作歡娛秔稻米吳會魚鼈出具區至尊巍北闕
多士樂西湖鷁首馳文舫龍鱗舞繡襦暖波搖棹積涼月浸
艷旆紫桂秋風老紅蓮曉露濡巨螯擎擁劍香飯漉雕胡蝸
角乾坤大螯頭氣勢殊秦庭迷指鹿周室嘆瞻烏玉馬違京
輦銅駝擲路衢含容天地廣養育羽毛俱橘柚馳包貢塗泥
賦上腴斷犀埋越棘照乘走隋珠吊古江山仕懷今歲月逾
鯨鯢空渤海歌詠已唐虞鷗革愁何極羊裘釣不迂征鴻暮

南去回首憶尊鱸



大師誠意伯劉文成公集卷之十五終

太師誠意伯劉文成公集卷之十六

後學麗水何鏗編校

七言律詩

寄題昇元觀綠筠軒

帶郭軒楹映綠筠，八窓瀟灑總宜人。
風生密葉蛟龍舞，露下寒梢翡翠勻。
不待剪裁調律呂，若為惆悵憶伶倫。
五城雙闕煙塵隔，且傍林巒寄此身。

送李子庚之金陵

舍下微波湧碧鱗，湖邊草色可憐人。
也知使者徵書急，莫厭輕舟出郭頻。
春酒盈缸清似水，時魚帶子白於銀。
山桃野杏

能紅紫醉眼相看意自真

欣懷亭二首為脫因宗道賦

欣懷亭子湖山上 山色湖光八面開
恰似崑崙積石圍湧出 王母閭風臺
驪龍夜靜擎珠上 神女天寒委佩來
何日扁舟一繫纜 高躋絕頂望蓬萊

愛子山亭湖水中 雜花脩竹合蒙籠
三春錦繡花迎日 十里笙簫竹度風
菰飯炊來勝雪白 鯉魚釣得出波紅
浮生無事當為樂 應許閑人一醉同

送趙元舉之奉化州學王

東風吹雪作春波 送客中流發棹歌
酒至莫辭狼籍醉 情深

無奈別離何 天童山杳嵐光暝
佛手江長海氣多 泮水紫芹香可攬
倚看待佩樂菁莪

次韻退和音上人

絕頂浮雲鎖石關 曲途危磴阻躋攀
他年甲楯孤臣泣 此日齋鍾老衲閑
夜永星河低半樹 天清猿鶴響空山
干戈未定歸無處 擬結茅廬積翠間

題王起宗御史江山烟靄圖

繡衣御史乘驄暇 貌得江山烟靄圖
日落風雲連紫極 天寒波浪隔蒼梧
魚龍縱壑深無底 猿鳥歸巢暝不呼
羈旅傷心緣百感 可堪回首憶吾廬

二月二日登樓作

薄寒疎雨集春愁，愁極難禁獨上樓。
何處山中堪採藥，幾時湖上好乘舟。
街泥客燕聊相傍，泛水浮萍可自由。
見說蘭亭依舊在，于今王謝少風流。

感興

赤城霞氣接天台，上界仙宮此地開。
滄海有波容蝦鱔，石梁無路入莓苔。
當時王帳旣羅綺，今日絲綸到草萊。
傳語疲氓聊忍待，王師早晚日邊來。

發嶧縣至上虞道中作

磴滑泥深去馬遲，雪殘青嶂不多時。
荒烟蔓草中郎宅，素石

清谿烈婦祠，日落風生臨水樹。
野寒雲濕渡江旗，宣光事業存書史。
北望淒涼有所思。

次韻和謙上人秋興一首

山雲滿地起秋濤，涼葉驚風下九皋。
藥籠空閒收馬勃，弦歌豈復用牛刀。
草間狐兔營三窟，天上龍虬味六韜。
周漢中興還有日，載歌亦伏詠嵩高。

聞高郵納款漫成口號

聞道高郵已撤圍，却愁淮甸未全歸。

聖朝雅重懷柔策，諸將當知虜掠非。
堯帝封疆元蕩蕩，世皇功業甚巍巍。
忠臣義士同休戚，縱欲偷安總禍機。

春興

近聞丹詔出天闈

聖主鳴謙下土知豈意豺狼猶桀黠未隨干羽格庭墀四郊
多壘忠臣耻百戰無前壯士規寄語總戎熊虎將莫教長媿
伐檀詩

再用韻答嚴行二上人

負郭無田生事疎微官已謝不須除散愁漫入高僧舍乘興
還過野老居草冷蟲聲悲杼軸霜餘蕉葉碎緘書黃花素髮
相將暮獨立淒涼憶往初

又用韻答嚴上人

中夜登樓望紫微北辰不動衆星依由來赤日行黃道多事
玄雲變白衣雪下蓬萊三島隔濤翻滄海萬魚飛
聖君宵旰惟恭已早晚陽和斡化機

次韻和孟伯真感興詩

避難移家適遠鄉憂時一夜百回腸徒聞鉄甲連戎壘未覩
鉤車跨賊隍不共班超爭食肉欲尋木羽學休粮磨崖可勒
中興頌努力諸公佐有唐

妙成觀用何逸林通判韻

我訪仙家溽暑前青楓綠柳暗晴川竹根露濕登山屐沙際
鷗迎渡水船雲氣長留虛白室丹光直上蔚藍天純陽道士

重來日為問蓬萊是那邊

得胡仲淵書歡喜成詩奉呈石末公兼簡三益軍諮
故人忽寄一封書愁眼還明病亦無風滿高林歸猛虎月涼
古塚散妖狐大廷職貢當端復戎馬資糧不再輸更喜元侯
契天意良苗得雨應時蘇

次韻和石末公秋日感懷見寄二首

郊原如赭已無秋况復干戈未肯休肉食不知田野事布衣
深為廟廊憂典章淪落悲芻狗餽餉倭遲想木牛禮樂將軍
今卻毅豺狼滿地待虔劉

秋陰竟日似黃昏夏旱良苗不半存敢望魚雞充醢醢尚期

崧韭作饗殮烟壑慘澹黃公石雲氣蒼茫紫極垣作檝濟川
須傳說九關虎豹向誰論

重陽日使者持詔用韻東石末公

中元悲斷義和報九日歡迎詔使來紫禁羽林分壘壁清秋
辰極照中台願從黃石明三略莫使詩人賦七哀蟻垤牛泔
休沸蕩泰山喬嶽甚崔嵬

夜坐有懷呈石末公

西風白露下清寥岸柳江蒲取次凋諸將旌麾非一統大藩
衣服變三苗雄豪竊據皆屠狗功業輿臺總續貂棄馬獨知
懷故樞天涯涕淚北辰遙

次韻荅石末公傷用三苗之作

周用羗髻功有赫唐通回鵠禍無訾幽歌鄭曲非同調楚服
秦駮實背馳安得着鞭先祖逖趨陪前躡學姚期扶持聖主
中興業整頓乾坤去詭隨

石末公家人自台州來以詩問之

委羽山前海水飛赤城霞色亂斜暉過庭且喜諸郎至懷土
休嗟舊業遠李晟孤軍終獨捷杜魯百戰竟安歸丈夫事主
心如石去殺勝殘自有機

次韻歲菊

風霜搖落愈傷神黃菊於予意自親遲莫長存君子操淒涼

不厭主人貧天虛沆瀣流清氣月過青冥動細淪此夜空庭
耿相對春花夏葉總埃塵

次韻和石末公歲除送窮之作

五夜雪霜清沴氣三陽玉燭照芳春願聞馴象來林邑復觀
封牛至麴賓川后山祗爭效職淮夷海獠悉歸臣君王垂拱
明光殿聖敬如湯日日新

次韻和石末公春晴詩

幽禽嘖嘖語朝陽細綠髮駸駸入女亲天上深宮調玉燭人間
和氣應勾芒赤眉青犢終何在白馬黃巾莫漫狂將帥如林
須發蹤太平功業望蕭張

次韻石末公題桃源卷

飛花逐水縈紆入不覺清溪路淺深
執手問名鷺見面論新話舊各傷心
壺漿餽餉殮如璧館穀溫存贈有金
似此情懷良匪惡何嗟歲月去駸尋

再次韻時閏九月九日菊

秋來有菊即重陽
曷問他鄉與故鄉
愁見飛蓬垂雪領
笑舉落蓋入霞觴
陶時莫訝逢餘閏
遣興聊圖不末傷
歲晚移根深記取
勿令紅紫間中黃

再用前韻頌菊

天遣幽花駐獨陽
移根應自白雲鄉
釀成甘谷千年夜
浦泛

瑤臺百寶觴
人老容顏猶可返
歲寒霜雪復何傷
得時無用空妖冶
愧死姚家宮樣黃

次韻和石末公聞有詔使不至

祈招旦夕動遐心
疾首西歸望好音
鳳下丹霄雲杳杳
魚飛碧海霧沉沉
徒言雨露無私潤
誰謂陽和未溥臨
何日六師能電掃
周原依舊載馳駸

和石末公冬暖

總謂浮雲解作霖
豈期雲氣漫成陰
何人真璧頻瞻仰
有客悲歌歎毒淫
項帝權移天曷定
神龍用亢海徒深
掩身未服先賢訓
向日空懷寸妙心

望江亭

柳拂江亭舊畫欄望潮人去地應閑
寢園寂寞秋風裏行殿荒涼野草間
白塔畫銷龍虎氣荒城空鎖鳳凰山
興亡莫問前朝事江水東流去不還

發紹興至蕭山

落日牛羊下綠坡微風短檝拂晴莎
窮愁白髮真相得悲感青春最苦多
水暖菰蒲沙鷓集月明洲渚傍人歌
此時忽漫思身世柰爾桃花滿眼何

宿蠟燭菴俊上人房

城外春江動客愁江邊細草綠悠悠
還將短髮臨岐路畏向

東風憶舊游斜日遠天歸鴈急薄寒孤館落花稠
青燈不放還鄉夢一夜腸回一萬周

二月七日夜泊許村遇雨

漫喜晴天出北門還愁急雨送黃昏
山風度水喧林麓野樹翻雲動石根
宿麥已隨江草爛新泉休共井泥渾
魚龍浩漫滄溟闊澤畔誰招楚客魂

嘉興寄王昌言學正

去年相別鴈來初今日相思柳拂渠
對酒放歌難再得登高作賦近何如
黃華燁燁輕煙裏碧草油油小雨餘
欲棹扁舟尋逸少為愁妨寫換鵝書

感懷二首

新晴楊柳散春絲，長路行人有所思。
愁上容顏青鏡識，寒生亭館落花知。
高雲送雨來無定，獨鳥驚風去自遲。
悶對亭前紫荊樹，同根那得却相離。
不到西州又十年，青山白水獨依然。
徒聞雞狗供輪畫，無那干戈迤邐延。
天上九霄空玉燭，人間萬井共貪泉。
草中攫取雲中送，坐待連茹紫闥邊。

寄臺卽張質夫

春愁忽得故人書，喜極成悲淚滿裾。
真野鶩駘虛伯樂，魯門鐘鼓駭爰居。
全家蕩析飢寒切，病骨支離志慮疎。
敢以浮名

誤知已，緘辭寫意愧何如。

水西寺東樓曉起聞鶯

日上高城柳影齊，風軒臨水看鶯啼。
初來木杪鳴相應，稍入花間聽却迷。
芳草自深句踐國，行人猶隔禦兒溪。
思家每恨無輕翼，可對鶯華不懽悽。

茶園別朱伯言郭公葵

細水吹烟送客舟，離情恰似水東流。
此時對酒難為樂，何處尋春可縱游。
去雨來雲天渺渺，輕蜂亂蝶日悠悠。
絕憐短髮無聊賴，一夜如絲白滿頭。

二月二十三日自黃岡還杭途中作

詞意仙文錄
九
日照江邊春樹林繁花亂葉感人心花間蛺蝶漫多事葉底
杜鵑非好音舉目山川成皓首側身天地一沾襟解憂惟有
尊中酒疾病年來已厭斟

晚泊海寧州舟中作

春霧今宵氣稍清空江一舸客心驚東流濁浪衝山動西望
長庚似月明不有壘黃為郡縣徒令未耜化戈兵溥天何處
非王土無地安身愧此生

憂懷

群盜縱橫半九州干戈滿目幾時休官曹各有營身計將帥
何曾為國謀猛虎封狼安荐食農夫田父困誅求抑強扶弱

須天討可恠無人借箸籌

春興七首

柳暖花融草滿汀日酣烟淡麥青青枝間好鳥鳴求友水底
寒魚陟負萍異縣光陰空荏苒故鄉蛇豕尚羶腥感時對景
情何極悼往悲來總涕零

忽聽羣角鬧晨鳩起看園林綠漸稠小兩霏霏涵日過新泉
細細入河流殘花斷柳盡歸計遠水他山聚客愁鴻鴈南飛
限蒼嶺傷心何處問松楸

於越山城控海壖春風回首忽經年憂時望月青宵迥懷土
登樓白髮鮮江上波濤來渺渺雲中鴻鵠去翩翩暮寒細雨

餘花落夢遶天涯到日邊

會稽南鎮夏王封蔽日騰空紫翠重陰洞烟霞輝草木古祠
風雨出蛟龍玄夷此日歸何處王簡他年豈再逢安得普天
休戰伐不令竹箭困輸供

卧龍山奠越王都群水南來入鏡湖苦恠桑田非舊跡還礮
雉堞是新圖白波翠靄浮天際綠樹青莎到海隅便欲投身
歸釣艇不知何處有尊鱸

深春積雨感年芳暮館輕寒透客裳翠柳條柔先改色紫蘭
花冷不飄香山中虎豹人烟少海上樓臺屨氣長燕子新來
畏沾濕一雙相對立空梁

憶昔江南未起兵吳山越水共知名蘋萍日暖遊魚出桃李
風和乳燕鳴紫陌塵埃嘶步景畫船歌管列傾城于今征戍
誅求盡翻對鷺花百感生

雨中遣懷

青春苦寒雨太多野水極目似秋波湖上芳草生已遍山中
美人愁奈何思家無計鏟荆棘避地只恐觸蛟鼉落花零亂
晚風起坐看城頭烏尾訛

送岳季堅入計籌山

陽羨先生故將孫拂衣高蹈入玄門甕盈五粒松花酒食有
千年枸杞根自得詩篇留客誦頻來猿鳥識人言浮雲富貴

非吾愿此意陶公可與論

爲賈性之題山水圖

不見唐朝王右丞世間畫史少知名何人貌得烟雨意靜聽
如聞風水聲遠岫帶雲纔隱約斜陽照樹却分明清泉素石
堪乘興欲買扁舟過此生

題雪竹圖

雪壓江邊脩竹林沅湘晚色起愁陰川光蕩漾空清闊山氣
玲瓏太白深未得稍雲邀鳳宿可能映水學龍吟無入谷裏
吹春律直節虛中恐不禁

題脩竹圖

九疑山下湘江畔多少篔簹覆碧湍自有清陰堪解慍也能
結實待棲鸞濛濛暖翠晨烟合顆顆明珠夕露溥長日焚香
對圖畫青冥風雨共凄寒

題畫蒲萄卷子

西域蒲萄也自竒畫圖轆見墨淋漓迎風翠羽愔愔動帶露
玄珠纂纂垂此日散愁思釀酒幾回病渴想如飴春窓隱几
成幽夢應共張騫到郢支

蕭山山行

積雨今朝天氣佳山亭曉色上林花未湏汗漫思身世且可
逍遙翫物華偶值斷橋妨云路却隨脩竹到隣家籬邊野鴨

驚人過撥刺飛鳴落遠沙

蕭山任氏山堂

新堂結構倚巖阿地僻無譁樂事多日上黃鸝鳴翠竹雨餘
紅鯉躍清波消除暑氣憑松柏舒卷煙嵐任薜蘿珍重主人
能愛客衰顏聊復爲君配

以紈扇贈奎上人并寄以詩

新裁紈扇如圓月寄與靈峰奎上人不共青蒲爭巧拙好將
白氎伴清新薰心炎暑誰能敵應手涼風自有神莫怨秋來
蔽篋笥明年朱夏更相親

靈峰寺棲雲樓

靈峰之中樓倚山山雲日夕棲其間九霄雨露隨高下六月
風雷送往還青嶂曉光浮藻梲銀河夜氣濕松關天台向上
無多路鷲嶺烟霞此可攀

題瑞上人山水圖

上人性僻耽山水應是王維第二身蘭渚流觴新到越藍田
別業舊通秦驅馳翰墨迴龍虎簸弄風雷感鬼神羈旅相逢
聊自慰莫思天地有烟塵

普濟寺遺懷

江上西風一葉黃莎雞絡緯滿叢篁物華乘興看都好時序
逢愁速不妨露下星河光澹澹月明巖谷氣清涼願聞四海

銷兵甲早種梧桐待鳳凰

崇福寺儔上人看山樓

為愛山中世事疎，看山終日坐茅廬。
林花澗草香無際，翠壁丹崖錦不如。
禹穴風雷翻石鷁，耶溪波浪動金魚。
此時應寤幽棲樂，底用凌雲獻子虛。

宗上人溪山亭

湖上清溪溪上山，山亭結構俯人寰。
窓中樹色宜晴雨，門外灘聲自往還。
鍊藥井寒玄鶴逝，采蓮舟去碧波閑。
春蘭秋桂年年好，憔悴風塵漫厚顏。

題水墨蓼花草蟲

為愛江頭紅蓼花，秋來獨作草蟲家。
尋香粉蝶應隨夢，采蜜黃蜂不趁衙。
絡繹語殘涼露滴，蜻蛉立困晚風斜。
畫圖水墨驚初見，却似扁舟過赤沙。

題山水圖為寶林衲上人作

雨過秋山日欲曛，白雲如雪擁山根。
高松浥露和烟冷，迸水穿沙出谷渾。
擬向蘿陰緣石徑，却尋花片入桃源。
畫圖應有通神處，他日相從子細論。

次韻和新羅巖上人秋日見寄二首

露冷風清木葉疎，蓼花莎草沒階除。
子雲詞賦空投閣，仲蔚蓬蒿漫索居。
群盜只今齊得意，故鄉從此遂無書。
鏡中短髮

非松栢歲晚看看不似初
愛汝精藍抱翠微青松綠竹共依依龜臺落日明霞綺鰻井
寒潮長石衣銀杏子成邊鴈到木犀花發野鷺飛鍾殘永夜
禪心定一任秋蟲促打機

重用韻答嚴上人

坐見風霜百草踈却憐光景漸消除萍蓬飄蕩三年客松菊
荒涼五畝居陋巷蒼苔封蟻垤空庭黃葉帶蟲書江楓恰似
知人意強學芳菲二月初

江水東流西日微閑身不繫獨何依塵埃爽颯枯蓬鬢霜露
淒涼破衲衣百粵雨餘山翠合三韓雲淨海青飛滄溟自古

通天漢夢繞黃姑織女機

再用韻答嚴衍二上人

厚祿故人音問疎天官不擬介推除莫思浮世塵埃事好共
深山才石居月滿高樓留客話燈明寒榻課兒書城頭鼓角
沉沉夜腸斷鄉關入夢初

蔓草萋迷野色微嗷嗷鳴鴈欲誰依殘花露淡胭脂壓落木
霜凋薜荔衣萬國舊聞車軌一九州今見劫塵飛總戎安得
英雄將不放龍蛇起殺機

復用韻答嚴上人

閉門無事往來疎窗外從他草不除食肉已忘三月味謀身

欲去九夷居人情自古懷鄉土天下何時罷羽書莫向西風
苦惆悵白雲流水只如初

西風吹樹夕陽微斤鷓鴣各有依幕府三年雙短鬢鄉關
千里一沾衣江淮渺渺人烟少梁楚茫茫鬼燐飛誅暴保民
黃石畧將軍莫自失戎機

仍用韻酬行人

多愁祗覺世情疎愁極憑誰與破除江海烟塵鬪客淚雲山
桑梓別人居高風斷鴈惟將恨衰草殘螢不照書世亂弓刀
方有用休誇新句遍黃初

歲莫天寒生意微空林鳥雀自相依有情霜葉欺花貌無用

風荷象客衣西塞鼓鞞山岳震東郊羽檄海波飛傳聞有詔
頒南服早晚陽和幹化機

又用前韻

樹頭寒月影扶疎天上清霜下玉除紫塞風高鴻失路碧梧
枝冷鵲移居虎頭曠日糜倉粟牛腹中霄詫帛書見說抱關
堪避世稗官猶可學虞初

西風吹面雨霏微片片浮雲水上依鴻鴈群翔營口實鳧鷖
對立借毛衣關河慘烈時將晚原野蕭條葉自飛慚愧江湖
一萍梗厭聽啞軋響隣機

題寒林圖

搖落江邊秋樹林，淒涼久客二毛侵。
藤蘿感晚龍蛇死，葦薄天寒虎豹深。
流水斜陽人遠近，青烟白草馬飛沉。
桂花自在山中發，悵望西風起夕陰。

題訪隱圖

忽憶山中陶隱君，杖藜衝曉謁茅廬。
林花浥露紅無比，澗草含烟綠有餘。
金鼎丹光纏日月，銀河流水到階除。
松間白鶴通人語，長向瑤臺寄遠書。

宿賈性之市隱

今年冬雨不作雪，屋頭烏聲渾似春。
絕憐草色綠鋪地，可愛梅花白照人。
時物已迎新歲換，交情空向異鄉親。
忽思昨夜

殘燈裏，錯認還家夢是真。

題陸放翁湖上詩後

放浪江湖一老翁，若耶溪上幾春風。
門前流水斜還直，籬外閑花白復紅。
甚欲賦詩追杜子，也能縱酒學陶公。
細看墨蹟成懷古，歎息他鄉類斷蓬。

次韻和孟伯直感興四首

五載江淮百戰場，乾坤舉目總堪傷。
已聞盜賊多於蟻，無奈官軍暴似狼。
綠水青山人寂寂，長烟蔓草日荒荒。
弟兄零落音書絕，腸斷春風一鴈行。

無用文章豈療飢，勞生筋骨已支離。
窮愁杜甫家何在，落魄

陳平計未奇草澤狐狸三窟固江湖波浪一帆危故園春色
年年到綠葉紅花好為誰

平時盜賊起成雲厚祿能忘愧庶民樽俎自高節廟策經綸
不用草茅人思家遠道風塵惡爭食空山虎豹嗔莫怪洛陽
年少客持書痛哭向楓宸

多事繁花白暎紅無愁細草綠浮空春秋迭代人先老天地
生成意不窮鳳鳥長辭西嶺樹鯨魚自起北溟風幾時學得
玄真子箬笠蓑衣一短篷

次韻張德平見寄

漠漠長烟野色昏霏霏細雨濕衡門乾坤象緯尋常轉江海

波濤日夜翻賈誼奏書哀自哭屈原心事苦誰論近逢使者
徵遺逸說道巖廊納讜言

題承天觀

吳山頂上承天觀玉牒金符鎮地靈百尺樓臺依斗極九霄
風露出惚櫺江聲洶湧蛟龍闕雲氣虛無翡翠屏見說蓬萊
恰相對仙凡只在隔滄溟

感興三首

病骨愁寒憶見春及觀春色却愁人轉添細草當門徑不惜
穠華委路塵去國杜鵑紅淚盡傷時度信白頭新風波滿地
鷓鴣鳥相趁啣魚飽一身

二月江南雪片飛吳山寒色動征衣莫尋花徑防泥滑且掩
衡門待日晞弱柳先舒應自損蟄蟲已出更安歸乾坤處處
旌旗滿肉食何人問采薇

春院微風栢葉垂朝寒坐看雀爭枝娟娟墜雨拋蒼蘚點
輕花赴綠池景物關情悲自老江山滿目惜時危長生應有
真仙訣漫把黃金駐黑鬚

可歎

風雨蕭蕭聽曉雞忽思世事一悲悽當時重禁藏矛戟今日
呼令學鼓鞞未見爭鋒曾奏捷徒聞却走不先迷劫灰日夜
飛相逐隨處空林有燕棲

柯橋靈秘寺即景贈基上人

盡日陰風墜花樓前溝水發芹芽青春院宇僧房好白晝
豺狼客路賒對坐蝦鬚迴舞燕出門鷗尾立飢鴉相期握手
何時再五月芙蓉隘若耶

次韻和石末元帥見贈二首

雨過前溪曉色新山城草木靜埃塵殊方負固猶蝸角此地
偷安賴虎臣高閣綠蘿相對晚畫闌紅藥不勝春誰憐衰病
兼疎拙漂泊東西一旅人

元戎玉帳擁旌麾武畧文韜並出奇構厦可堪無大匠安邦
曾見活危基此時山斗歸民望他日龍鬚簡帝思我輩迂狂

垂世務趁風執御更何疑

雨中寄季山甫二首

山雨隨風去復來南明晚色動樓臺猶憐仗節中即在不見
乘槎使者迴感興詩成聊自遣忘憂花好為誰開偏嫌近水
多蠓蝨永夜喧呼聒夢回

長夜雨多泥沒車白日閉門人跡疎階下水衣看上壁庭前
簷溜欲成渠閑花自發無勞種蔓草從生不遣鋤想見幽樓
張仲蔚蓬蒿如樹塞園廬

五月二十九日喜雨奉賀石末元帥

使君設醮天皇格道士陳章玉女開遂遣赤松來作雨更教

玄武下乘雷涼颺細拂花間入潤色新從草際回豈但農夫
堪一飽野人亦有酒盈盃

用前喜雨韻寄呈石末元帥時戍卒有不軌謀鼎
未發公治之以意卒遂返正故發之以言且并志祈
雨有應也

將軍渡水流漸合太守彎弧巨石開但覺誠心通日月不知
生意在風雷恩尊未許歸張翰結草終當獲杜回可惟踈狂
謫仙子蕪甸浪飲六千杯

題紫虛觀用周伯溫韻

少微山直太微宮山下樓臺起半空丹井石床纏地絡瓊窓

翠戶出天風，傳聞仙子常。時到應是神霄有，路通會待九秋
明月夜，高吹鐵笛上青葱。

題紫虛道士晚翠樓

晚翠樓子好，溪南溪山四圍開。蔚藍微陰草色盡，平地落日
木杪生浮嵐。巖畔竹柏密，先暝池中芰荷香。欲酣聞說仙人
徐泰定，騎鸞到此每停驂。

葉叔安南溪草堂即事

溪上草堂盈十尋，疎楊密竹各成陰。綠烟繞舍垂畦靜，白水
當門稻遂深。過雨忽翻金碧影，涼蜩亂發管絃音。此時不省
愁何在，生到鴉樓月滿林。

妙成觀北亭用何逸林韻

最愛雲山滿目前，更憐亭榭俯清川。草深林藹迷樵徑，花落
巖霏點客船。碧澗金芝新出地，丹崖石穴舊通天。神仙應在
樓頭上，翠羽霓旌下日邊。

以梨餉石末公侑之以詩

山人見餉含消寶，青紫相排箇箇圓。共道解煩同絳雪，也知
止渴勝甘泉。種從漢武樊川得名並，張公大谷傳瓊重使君
方閱雨急湏走送，滌熬煎。

遣悶東石末公

綠楊落盡白楊枯，坐石徒令歲月徂。尚想藩臣知患盜，豈期

驛使似投巫當時秔稻通遼海今日風濤隔具區豺獭可堪
專節鉞衣冠何以拔泥塗

次韻和石末公中秋不見月詩

一年明月中秋好萬里長空此夜陰雨暈青燈昏遠思蟲鳴
黃葉亂鄉心見愁盜賊氣猶惡莫恠乾坤氣尚淫便欲捫蘿
上天柱九霄風露恐難禁

次韻和石末公七夕詩

天上傳聞會兩星清秋夜色湛玄冥蚌胎隱見銀蟾窟鵲翼
高低玉女輶一水經年纔邂逅七襄終日豈神靈勞生厭事
惟思睡獨卧無心覲帝青

再和倒用前韻

天官垂象煥空青會合徒聞帝子靈三武夜開千石簾兩旗
晨轆七香輶房帷瓜果紛祠祀霄漢雲霓隔晦冥惆悵多憂
江海客登樓獨自看台星

病足戲呈石末公

旻天容我作支離病瘡纔除足就羸跬步不妨猶似鼃蹕行
那得更憐夔抱珎獻楚何堪再斫樹收龐亦未遲塞叟于今
知匪禍周雞從此免為犧

遣悶呈石末公

公庭春樹秋重綠但見鴟鳩日日鳴不雨正當三伏熱看雲

無柰百憂生草間群盜俱縻爵天下何人尚力耕漢法幾時
還再復白頭猶得詠昇平

庭前萱草花落已久至秋復開感而作詩東石末公
露下蛩鳴寒氣催蕪葭葉響鴈歸來鬢毛已為憂生白護草
何須晚更開嫋嫋悲風吹落木炎炎赤日走黃埃干戈未了
仍飢饉人事天時總可哀

次韻和石末公閔雨詩

騰雲降雨指龍功况復山川祭秩隆豈意愆陽為沴氣忽過
炎夏到秋風祈年勞酒儀徒備登穀嘗新望已空享祀未應
無報稱可堪不殺待時豐

再用韻

旱魃為妖殄歲功田疇龜折徧汗隆無多過雨繞鳴葉不定
行雲又逐風蔓草荒烟秋社迥黃沙白葦暮江空愁來漫憶
淳于祝却愧靈祇享祀豐

妙成觀道士劉雲心挽詩

少微星下莖神仙白玉樓中迓翠輶弟子焚香玄鶴逝天官
肅駕紫鸞翻金舟縹緲空山月銜笛淒涼遠樹烟溪上故人
如見問碧桃花裏過年年

次韻和石末公聞海上使命之作因念西州愴然有
感二首

巫閭析木天空濶桐柏終南水亂流邑里蕭條無吠狗田疇
蕪穢少耕牛萋萋蔓草隨人遠淡淡殘陽向客留遲莫飄零
偏感舊幾迴垂淚睇神州

弟子輿尸漫有師圮橋誰共老人期龍魚並出應難識樗櫟
無庸幸見遺每上樓臺瞻北極願聞波浪帖南陲吳山越水
元相接莫更中流下鐵椎

驛傳杭台消息石末公有詩見寄次韻奉和并寓悲

感二首

被讒去國終思楚厚貌深情漫劇秦未識龐萌真老賊妄期
侯景作忠臣池魚幕燕依樓淺軒鶴冠猴寵渥新何處荃蘭

不蕭艾種蔬猶得養閑身

喪亂如川未有涯悲風滿地是蟲沙衰遲兩臂從生柳疾病
雙眸但隕花暗菴寒蟬秋色老丹楓紫菊夕陽斜頗聞四國
思郇伯尚想詩人賦木瓜

再次韻二首

南州昔日稱三楚西國今聞又一秦有爵與糜亡命賊無才
深媿具官臣青冥鸞鳳風塵隔畫省貌貅服色新悵望令人
憶李郭誰能匡濟想捐身

深秋蔓草接天涯極目飛鴻沒遠沙綠水青山長送目汀蘭
岸蓼各生花風來西塞雲陰合濤落東溟蜃氣斜歎息笙歌

舊亭館築垣鼓棘老王瓜

次韻和石末公感興見寄

使君學術似文翁奕世流芳緝武功赤帝青衿來燕喜黃童
白叟望車攻筆端波浪翻三峽旗尾龍蛇動八風慚愧謫才
多謬誤憂時獨有此心同

次韻和石末公無題之作

秋風嫋嫋作商音落葉枯荏日夜深已為抵烏投白壁徒勞
點鐵真黃金軒轅未必迷襄野夸父終當死鄧林咲撚東籬
菊花益天寒歲晚爾知心

次韻和石末公九日見寄

去年見鴈思鄉里今歲還鄉鴈不來此地連涼逢九日何時
清切觀三台莞茅夜冷蛩聲急禾黍秋空鳥雀哀辟難無勞
效桓景巢居隨處壓崔嵬

陳太初充兵應點作詩戲之

無僕無臺一老儒數間茅屋近通衢忽聞巷長呼排甲急換
戎裝出荷戈就列敢辭長拱立隨群獨作沒增趨西風鼓角
秋宵永明日青髯是白鬚

次韻和石末公開讀有感

百年萬國奉王正相業臺綱屬老成山海若時共職貢郊原
何處有戈兵廟謨可使歸權倖祖訓由來重變更歎吁天關

無羽翼耐心長嘆不勝情

秋夕有感東石末公

獨立西風聞莫蟬起看時物愴流年星臨野樹輝輝動露出
庭莎的的圓無奈素絲侵綠鬢却嫌黃菊似金錢烟塵滿眼
難回首惆悵高堂坐細檀

次韻和石末公自訟之作

綠駢驂騶不服驂王良造父亦難堪羨君名重中台上勲業
終光北斗南露井淒風殘綠少霜林落日亂紅酣侯封職在
同藩舜班爵無勞阿伯男

立冬日作

忽見桃花出小紅因驚十月起溫風歲功不得歸顛項冬今
何堪付祝融未有星辰能好雨轉添雲氣漫成虹蝦蟇蛺蝶
偏如意旦夕蜚鳴白露叢

丙申歲十月還鄉作七首

溪上寒山淡落暉溪邊風送客帆歸故家文物今何在平世
人民半已非華髮老翁啼進酒蓬頭稚子咲牽衣自嗟薄質
行衰朽未覩明廷賦采薇

風急霜飛天地寒草黃木落水泉乾千村亂後荒榛滿孤客
歸來杖淚看野宿狐狸鳴戶外巢居烟火出雲端黍苗屢屢
思陰雨玉粲詩成損肺肝

故園梅蕊依時發，異縣歸人見却悲。
花自別來難獨立，人今老去復何之。
未能荷鍤除叢棘，且可隨方著短籬。
等待薰風暄暖後，枝間看取實離離。

手種庭前安石榴，開花結子到深秋。
可憐枝葉從人折，尚有根株為客留。
枳枸悲風吹白日，若華高影隔青丘。
壞垣蟋蟀知離恨，長夜淒涼弔獨愁。

舍北草池寒已枯，草中時復見菰蒲。
濫泉聲沸無留鮒，弱藻蒙茸不繫鳧。
綠葉紅花空代謝，春蛙秋蚓任喧呼。
窺臨最憶琴高鯉，騰駕風雷定有無。

小舟衝雨清溪上，雨密溪深宿霧昏。
游子到家無舊物，故人

留客歎空尊。荒畦蔓草纏蒿草，落日青猿叫白猿。
語罷不須還秉燭，耳聞目見總銷魂。

五載辭家未卜歸，歸來如客鬢成絲。
親知過眼還成夢，事勢傷心不可思。
且喜松楸仍舊日，莫嗟閭井異前時。
修文偃武君王意，鑄甲銷戈會有期。

冬至日泊舟戈溪

日薄雲陰雪在山，野寒溪靜客舟還。
乾坤簸蕩逾三載，風俗乖張似百蠻。
廢井衰蕪霜後白，空村喬木曉餘殷。
獨憐節序逢冬至，不得安樓學閉關。

次韻和石末公紅樹詩

紅樹漫山駐歲華
玄冬驚見眼生花
井陘旗幟軍容盛
汴水帆檣御氣賒
春草淒迷金谷障
夕陽照灼赤城霞
靡泝舟木扶桑裏
惆悵誰乘博望槎

次韻和石末公元夜之作

八表流雲澄夜色
九霄華月動春城
條風細細吹旗影
香藹微微引漏聲
河漢虹橋應斷絕
滄溟鼉足漫崢嶸
愁來更聽漁陽操
獨倚闌干坐到明

石末公再賦元夕見寄用韻酬之

東方月出魚龍窟
北極雲開虎豹閤
渤澥青丘金作水
崑崙赤岸玉為山
風光豈減常時好
燈火嗟逢此夜慳
聽盡殘鐘

成不寐那無飛羽入玄間

丁酉七月十四夜望月仍蝕且旣而司天報亦不至
因感去年作此寄石末公

山城望月中
元夜天運循環四序周
顧兔又從銀漢滅
磔墓空抱玉川憂
清臺視稜當箕尾
仙使乘槎隔斗牛
安得寄書憑去燕
為言桂樹不勝秋

題烟波泛舟圖

舊遊憶鼓湘湖櫂
日淨風微江練平
小艇曲穿花底出
遊魚相伴鏡中行
別來漫想心徒切
畫裏重看眼亦明
素石蒼松是何處
願從巢父濯冠纓

為王彥和賦槐堂

晉公庭上三槐樹千載流傳是德符今日耳孫思繼述昔年
手澤歎荒蕪當窓欲看屯雲葉夾徑先栽帶雨株會見枝頭
金粟蓋秋風吹送上天衢

社中偶成奉呈石末公

昔聞同社燕鷄豚今見操戈競一殮松栢空壇飢鼠出粉榆
落日亂鴉喧地連吳會嗟何蹙民是周餘不半存踈嬾渾愁
聞世事治顰有酒漫盈尊

次韻和林彥文劉山驛作詩

青泥九折度危峰翠木千章集遠風欲為流離安堡障寧辭

辛苦涉蒿蓬梧桐葉落無棲鳳荆棘枝寒有怨鴻旦夕升塵
聊望楚何特重賦定方中

次韻和余嘉賓御史見寄

二紀相思欲奮飛百年心事苦相違風塵跋涉容顏改豺虎
縱橫信使稀忽枉緘書如見面不勝悲喜却沾衣有懷欲語
無由寫駘馬天涯幾日歸

次韻和石末公月蝕見寄

涼氣開秋桂未花青天見月漫咨嗟玉毫撲朔此中兔金背
熒煌何處蟄百鍊精銅繞照膽連城白壁底生瑕誰能鼓劔
披氛裊莫遣東郊馬飲沙

即事有感呈石末公

葵藿傾心嚮大明參商瓊瓊只尋兵蛾眉欲擅三千寵魚翼
難通九萬程貝錦笙簧鳴鳥瑞明珠琢玉泰山輕兩階干羽
聞來格分北猶勞一聖主情

次韻和石末公感懷之作

鳳去深林鷺在庭西風回首故山青杞人岌岌憂將殞楚國
茫茫醉不醒自覺艱虞多錯午誰憐耗歎祝寧丁金芝玉蕨
甘如蜜歲晚吾從董五經

聞盜過界首季君山甫亦蒙訪及以詩唁之

妖星何故犯奎躔鶴上雲霄鯉入淵冠退喜聞曾子友書焚

尚賴伏生傳蠶酸併與青氈去瓜苦空餘綠蔓牽慚愧杜郊
湯博士白鹽赤米數相憐

次韻和石末公中秋詠月

一年二六團圓月此夜光輝獨耐看銀漢波濤三島接玉京
風露九霄寒方欣酷暑隨時去只恐清商促歲闌更上南樓
瞻北極那無鴻鴈報平安

次韻和十六夜月

纔圓又缺中天月猶自寒光媚老蟾承露仙人珠落掌別風
樓觀雪生簷玉階桂影翳翳薄金井苔花漸漸添坐久城頭
聞夜柝牢愁清興苦相兼

再次韻

永夜涼風吹碧落，深秋白露洗明蟾。
金波灩灩將流瓦，玉磔熒熒恰近簷。
員闕寒生魚腦減，龍宮氣肅蚌胎添。
從軍不廢篇章事，倚賴元侯智勇兼。

次韻和劉宗保秋懷二首

眼見賓鴻去，復回可堪雲霧隔。
瑤臺黃花自在山中發，青鳥何由海上來。
墻角蟲號瓜蔓索，樹頭禽嚇栗房開。
涼蟾照幙還清夜，慚愧千村野哭哀。

蛩螿啼露作悲愁，鷓鴣搏風樂素秋。
莫訝繫匏長不食，亦知神劍解相求。
翰林白髮三千丈，吏部回腸一萬周。
借問何如

青白眼酣歌竟日為身謀

次韻和石末公九日無菊詩

籬菊無花冷夕陽，西風空送鴈還鄉。
已妨少昊頒時令，更阻淵明泛酒觴。
生意循環深自識，年華逝水去誰傷。
愁來最愛霜中葉，滿眼殷紅間淺黃。

野行偶見紅樹悵然有感呈石末公

紅樹傷心夕照前，漫山映水為誰妍。
樹當搖落人尤惜，人自憂愁樹不憐。
九譯未通青鳥使，四郊猶漲綠林烟。
野夫病足思休息，藉草棲櫓擬晏眠。

次韻和石末公紅樹詩

岸柳江蒲總戚施
柏林辛苦擢金支
虞人誑見炎官傘
候騎訛傳灑將旗
照水熒煌空銜貌
因風飄落竟從誰
應慙若木生
賜谷長駐跋烏燭
崦嵫

次韻和石末公悲紅樹二首

乾坤何處非王土
稂莠誰令滿大田
未掃綠林千嶂裏
還看紅樹九秋前
吳宮露冷蟬何在
漢苑風悲鶴自憐
却羨魯陽功德盛
揮戈回日至今傳

霜與秋林作錦幃
一朝霜重却全稀
坐看絕豔成塵土
應寤浮華是禍機
驚鵲月明難自定
窮猿歲暮欲何歸
猶憐有客期歡賞
太息斯須志願違

詔書到日喜雨呈石末公

將軍鐵馬高秋出
使者樓船渤海來
甘雨恰隨天詔下
凍雲應與地圖開
枯黃背日紛紛落
細綠迎春冉冉回
悵望山中多病客
坐看烏鵲遶庭梅

感事呈石末公

前飛鷓鴣後駕鵝
天闊風高柰汝何
不羨焦頭居上客
空憐舐痔得車多
深山虎豹來城市
落日鼉鼉出薜蘿
薇蕨可羹魚可膾
白雲長自在岩阿

贈西岩道元和尚

西岩寺裏雲巢子
不到人間幾十年
杖錫野猿迎路側
談經

山鬼拜燈前塵飛劫火青春夢雪滿長松白日眠近得淵明
入蓮社興來時復有詩篇

題王伯衡縣尹桑陰圖

漁陽太守之官後種得桑陰北召棠麥隴風微雲委甸茅簷
日暖雪盈筐倉庚過去青枝動戴勝飛來紫椹香千載先生
同此意為君重賦兩岐章

次韻和石末公漫興見寄二首

王侯古有興屠狗即吏今無善牧羊青海風波騰閭象紫霄
氛侵翳搖光江寒逝水東流急天遠冥鴻北去長莫咲為鳶
惡毛羽翻飛齊得遶鸚行

濟世何人希管樂隱居無處覓求羊扶桑未換暘烏彩腐草
猶爭燭火光百載承平戎馬佚七年戰伐艾管長長沙遷客
能流涕一日湏垂一萬行

聞鵲鳴有感呈石末公

郊原過雨東作始枝上鵲鳴鳴可憐此地巢居猶葺壘他鄉
去子望歸田匡時勢異民思漢憂國心隨鴈到燕逝水自流
人自老倚楹長憶至元年

戲和石末公催太初畫山水之作

春蠶吐絲作成罽辛苦為人身上衣畫史等閑揮彩筆女工
顚顚倚空機高堂素壁峰峦出暮雨朝雲夢寐歸可恠唐朝

杜陵老瘦妻短褐有光輝

和石末公冬暖

世亂干戈日夜尋可堪災沴又相侵烟霞出地皆成浸雷電
飛時肯作霖祝蠲漫勞遵故事問牛誰復軫憂心小蟲未寤
年光晚猶抱枯菱學苦吟

雨中呈石末公

去年三冬暖不雨今年孟春寒有餘大雲垂垂壓宇宙密雪
袞袞飄庭除安排白水與泛舸醞釀青泥容沒車辛苦陌頭
楊柳樹含顰等待太陽舒

和石末公見示盲字韻

長想天涯皆內地忍看閩外即他鄉扶生可惜鑿無緩救死
寧堪鬼在盲郡縣誅求應到骨乾坤戰伐徧成瘡遼東華表
雲間鶴相見相思總斷腸

次李子庚韻

風落餘花春事非愁心烟雨共霏霏溪雲不作從龍起山石
何須學燕飛籬下舊存彭澤菊林間新長首陽薇夜闌忽漫
聞啼鳥腸斷天涯信使稀

早春遣懷

正月餘寒未放春漫空飛雪舞隨人新年對客情何限濁酒
於予意獨親澗底流泉渾似玉門前細草總成茵鶴歸自愛

山能靜豹隱方知霧有神

雨中遣悶

兩清愁雲重不飛山蒸冷霧襲人衣亦知屏翳空多事只恐
羲和失所歸歲晏波濤東逝急天寒鴻鴈北來稀殘燈求夜
清無焰坐聽飢猿響翠微

聞猿有感

猿響秋山夜向闌白雲如雪擁林端鍾儀楚奏難成調蔡琰
胡笳欲罷裊澤畔離騷餘怨恨已東涕淚想汎瀾唯應華表
歸來鶴明月清風共歲寒

漫成

老去知心更有誰愁將短髮對花枝花殘更發新春葉鬢白
空垂浦面絲縱酒放歌憐往日倚闌聽鴈立多時若為化得
搏風翻汗浸東西信所之

感興

百年疆半已無能愁入膏肓病自增千里江山雙白鬢五更
風雨一青燈繫系弦急管誰家宅廢圃荒密昔代陵不寐坐聽
雞唱盡素光穿牖日華升

夜坐

殘缸背壁翳還明坐擁衾裯閱五更雲捲星河垂永夜霜飛
鼓角靜嚴城飄搖莫計餘生事老病都非舊日情想像故園

憑夢到愁來轉使夢難成

蔣山寺十月桃花

王母桃花此地栽
風霜搖落為誰開
琳宮玉座同黄土
絳蓋丹跗自綠苔
度朔烟霞遠夢想
武陵雲水怨歸來
殘蜂剩蝶相逢淺
黃菊芙蓉莫浪猜

寒夜

月上前山夜寂寥
江城鼓角散寒宵
龍水落滄溟靜鴻鴈
聲來紫塞遙
風物自應隨律轉
霜髯爭得見春消
青缸冷暗愁眠怯
樓外頻移北斗杓

漫成

愁將短髮逢搖落
漫把殘燈照寂寥
兩地身心悲夜鶻
五更鍾鼓夢春潮
驚寒柏葉垂垂靜
向日霜華泫泫消
悵望烟塵滿長路
紫芝空長故山苗

題秋江獨釣圖

秋風江上垂綸客
知是嚴陵是太公
細水浮嵐天與碧
斜陽炙面臉生紅
形容想像丹青在
歲月荒涼草澤空
日暮忽然聞欸乃
蓼花楓葉忘西東

題墨竹

蒼梧山下無窮竹
盡是湘妃淚種成
煙雨不銷千古恨
瓊環虛度九秋聲
見愁牧豎乘時伐
可待伶倫學鳳鳴
獨立淒涼

對圖畫為君惆悵一沾纓

雪中有懷章三益葉景淵

歲莫懷人雪滿天
飢烏病客對凄然
地爐無火同誰坐
石硯生冰盡日眠
栗里何時歸白髮
茅簷幾處起青烟
稻畦麥隴看春及
土膏泉滋識有年

白髮

白髮應同春草並
風吹一夜滿頭生
欲收浮豔歸根柢
故遣芳菲定老成
碧瓦曉霜憐變滅
紙窓宵月妬分明
撥鞍上馬非吾事
賴爾粧嚴意不輕

愁感代哭

燕鴻北去又南來
斷壘荒岡幾劫灰
慈母磯寒風落木
望夫石老雨添苔
江流定與天河合
客淚還經地底回
未必春光便銷歇
白華猶發燒殘梅

冬至

冬至微陽幹化機
閉關獨坐正相宜
白楊風掃經霜葉
翠柏水凝泣露枝
日轉天南林影覺
春生地底水泉知
物華過眼成今古
愁絕看雲有所思

黃州團湖董氏鏡心樓

團湖四面開明鏡
中有高樓接泰清
絳氣往來蟾影入
碧光浮動日華生
雲間威鳳孤飛下
空裏遊魚作隊行
安得翠軒

呼弄玉金銀臺上卧吹笙

寄黃仲美

二十年前別故人
乾坤何處不風塵
玉缸阻對簷花夕
素髮羞同野草春
紫極星辰空有象
青堂波浪杳無津
歡華過眼成今昔
苦憶元方淚滿巾

春城

春盡江城不見花
似知白髮畏韶華
戰爭故習俱無賴
喪亂餘生未有涯
三島虹蜺昏日月
二儀風雨化龍蛇
何年百谷歸滄海
尋取河源泛客槎

舟中

雨霽青燈靜客舟
輕寒只戀敝貂裘
漫山薄霧穿松澗
漱石鳴泉拍枕流
身在壺中天
萬里夢驚華表鶴
千秋愁來滴淚都成血
直到滄溟水盡頭

至婺州聞官軍自温處之江東所過皆空遂從間道

還鄉

聞道人家總避軍
我亦獨穿豺虎群
莫思身外路多棘
且喜雨晴山出雲林
端石磴鶴自占澗底風
松猿共聞他年想
象或夢到兩鬢白雪應紛紛

遣興

白露如珠滴素秋
啼螿絡繹寂然收
烟開碧水浮天遠
月帶

銀河入海流
艷艷霜林張
綺縠瑤瑤風
葉落鳴球此
時旅客
篝燈坐無柰
黃昏一餉愁

搖落

搖落江天氣
慘淒野黃雲
白感東西可
憐飢鼠當人
立無柰
寒鴉向客啼
杳杳夕陽葭
浦闊茫茫秋
水稻田低銷
魂何地
歸衰疾觸處
烟塵沸鼓聲

秋夕

柏葉蕭疎柳
葉黃露華如
玉綴空廊丹
心欲共燈花
結白髮
偏隨漏水長
月色故園同
窈窕蟲聲此
夜獨淒涼
寒鴉莫更
啼金井衰病
能堪幾斷腸

感興七首

昭代仁聲浹
九夷野無才
戟有鉞基誰
言潢海操兵
寨却產
宮庭制禮特
廣路駢駢周
四牡陰風肅
肅漢靈旗弔
民伐罪
元戎事盱食
宵衣上聖思

清時不樂道
干戈驅鼠其
如虎豹何淮
海風雲連鼓
角湖山
花木怨笙歌
紫微畫省青
烟入細柳空
營白骨多惆
悵無人
奏冊展側身
長望涕滂沱

衣冠共喜際
雍熙豈意豺
狼負盛時禮
樂百年忘戰
火風雲
八陣得才遲
神謀不是間
閭識廟筭誰
聞翻衣思漸
愧軀生
懶無用江湖
愁望鬢成絲

將軍意氣薄丹霄欲把孤航截海潮
蘓武節來無忌死岑彭營
惡子陽驕鳴鴉詩奏忠誰白松柏歌成恨豈銷
悵望天涯一灑淚鯨鯢罔象雜三苗

落日悲風雲滿川家家閉戶少炊烟
也知渤海無龔遂漫憶邯鄲有魯連
三尺青萍思出匣數莖白髮望歸田
請看如鏡南樓月此夜清光最可憐

天狐不解射封狼戰骨縱橫滿路傍
古戍有狐鳴夜月高岡無鳳集朝陽
凋戈畫戟空文物廢井頽垣自雪霜
漫說漢庭思李牧未聞卽署遣馮唐

天上九關森虎豹人間七澤起龍蛇
塵埃不辨風雲色雨露

全歸枳棘花秦國有人迷鹿馬周郊無土載蟲沙
淮濱何日歌常武腸斷嚴城戍鼓撾

越山亭晚望

越絕孤城枕海湄越王亭下景遲遲
雲埋夏后藏書穴草沒秦皇頌德碑
鑿齒未馴虞禮樂戈船猶駐漢旌旗
春風淡蕩吹楊柳咲看吳鉤有所思

謁夏王廟有感

一片宮垣粉牘新前王陵廟在松筠
玉書金簡歸天地貝葉曇花詫鬼神
滄海波濤紆職貢山川草木望時巡
苗頑未狎虞階舞空使忠良淚滿巾

寒夜忽然有懷周紫巖先生遂成口號奉寄且以酬
黃柑之惠

柱下先生住紫巖倚天愁嶺氣嶢嶢客來每託青猿報書寄
還憑白鳳銜日上寒光生水石月明晴翠落松杉旅人珍重
黃柑贈愧乏瓊瑤蒼素緘

冬暖

今年南國天氣暖十月赤城桃有花江楓未肯換故色汀草
強欲抽新芽野畦落日舞殘蝶小池過雨喧鳴蛙城上幾時
罷擊柝愁見海雲蒸晚霞

漫成

春雨日日送愁來雨中百花渾未開青山不見神禹穴碧草
已滿越王臺魚兒弄水浮還沒燕子尋巢去却回頭白楊雄
嬾獻賦衡門從此掩蒿萊

夏日雜興七首

眼見青苔上短垣忽看碧草翳衡門西來急雨寒聲壯東望
扶桑曉氣昏征戍誅求三載外詩書禮樂幾家存天涯地角
風塵滿極目雲霄漫斷魂

愛此南園僻有餘依稀景物似郊居風軒自舞蒼筤竹蓮沼
雙遊赤鯉魚釀酒剩收元亮秫換鵝時寫右軍書人生縱意
惟疎嬾莫遣門多長者車

聞道中原沸似糜，倚楹長嘯不勝悲。
百年城郭連烽火，千里桑麻委蕪藜。
南國久紆方叔旆，東郊未返魯侯旗。
五湖何處堪垂釣，腸斷松楸入夢思。

故里無書問遠遊，他鄉萍梗漫淹留。
盲風恠雨蛟龍喜，荒楚寒蕪燕雀愁。
天上古今星拱地，人間日夜水東流。
誰能走報西王母，乞與還丹駐黑頭。

層樓迢遞俯清郊，天際群山檻外交。
日暖水禽鳴哺子，風輕沙燕語尋巢。
綠荷雨洗藏龜葉，翠竹烟寒集鳳梢。
可嘆仲宣歸未得，苦吟終日倚衡茅。

夏至陰生景漸催，百年已半亦堪哀。
葦鱗不入龍鴈夢，鐵羽

何勞燕雀猜，雨砌蟬花粘碧草。
風簷螢火出蒼苔，細觀景物宜消遣。
寥落蕪無濁酒杯。

菱葉荷花漸滿池，紅榴綠篠正相宜。
天邊日出園葵覺，地底雲生柱礎知。
長夏未應炎暑過，薄寒恰似晚秋時。
朝來苦恠雙青鬢，輒向風前學素絲。

夏日訪王友文留飲贈詩

長夏園林白晝開，高軒留客雨漫山。
傾壺竹葉沉沉綠，落樹楊梅顆顆殷。
檻外新荷搖水佩，簷前弱柳舞風鬟。
醉來帶月浮舟去，忘却塵埃世路艱。

題江村風雨圖

日落千山風雨來野昏林黑鳥飛迴風吹烟霧連天起雨送
雷霆入地回龍母鮫綃雲半濕巫娥具闕夜深開暮寒燕子
歸華屋愁絕餘花委碧苔

次韻和岳季堅見寄

塵埃不見望諸君江海誰憐鄭廣文雪裏一筇穿虎出竹間
半榻與僧分無人問字朝眠穩有客論詩夜坐勤豹裘羊裘
等黃土金章紫綬漫浮雲

次韻和天童良上人見寄

不辭塵匣掩青萍願見天邊隕盜星白日有時容黑子紫微
終古照玄冥輕風淪雪歸蘭汜細雨涵春入草亭但得此身

疆健在江山相見眼長青

靈峯寺松風閣

靈峯寺閣倚松風風細松高閣更空何處流泉生石上有人
鳴玉下雲中花飄霧露春香滿影動龍蛇曉日融安得身如
列禦寇翩翩高舉出冥鴻

次韻高則誠雨中三首

短棹孤蓬訪昔遊冷風淒雨不勝愁江湖滿地蛟螭浪杭稻
連天鼠雀秋莫恠賈生偏善哭從來杞國最多憂絕憐窓外
如珪月只為離人照白頭

霖雨蕭蕭泥客途歲華冉冉隙中徂不知燕趙車千乘何似

萬印飯一盃露冷芙蓉捐玉佩天寒意改結明珠東鄰艇子
如堪借去釣松江巨口魚

吳苑西風禾黍黃越鄉倦客葛衣涼楸梧夜冷鳥驚樹霜露
秋清蜂閑房天上出車無召虎人間賣卜有王郎干戈滿日
難回首夢到空山月滿堂

次韻和謙上人秋興七首

一自中原萬馬奔江淮今有幾州存龍韜豹略癡兒戲穰李
天桃猛士門廢壘秋風銷戰骨荒郊夜雨泣冤魂江湖愁絕
無家客佇立看天淚眼昏

東海波濤激迅颺西風氛霧虎狼驕高牙畫戟尊方伯繡段

黃封出內朝無客金戈椿鑿齒有人玉帳舞方腰武陵日暮

桃花盡何處林泉可採樵

霜飛大野氣淒清日落荒村少客行投筆班超空食肉登樓
王粲獨傷情海壖雨翳旌旗影淮甸雲埋鼓角聲中夜起瞻
天北極鬢毛蕭颯憶神京

浙江流水繞東吳佳麗猶傳故國都紅錦漫山春雨後黃雲
壓樹晚霜餘嬌鶯逐暖歸牙帳征鴈衝寒送羽書惆悵南園
釣舟子蒺藜滿地不勝鋤

繡幕香幃隱日華金鞍玉轡巧矜誇深山霧雨驅生虎大海
波濤虺作蛇櫟檄有枝寒集鵲梧桐無葉夜啼鴉涼風嫋嫋

吹游子何處松楸是汝家

故鄉知己不曾逢滿目雲山恨萬重
斥堠霜清寒夜柝譙樓風急曉城鐘
此時逃樹憐烏鵲異縣携家想駟
蜚獨向晴簷問梅藥數枝和雪為誰容

江上悲風起白波山中芳草奈愁何
紫菱青荇鮫人舞翠蘿蒼藤木客歌
曠野煙塵迷虎兕長亭泥濘沒驪駟
濁河日夜東流去腸斷霓旌影駸娑

法華山弘上人

可愛寒潭似鏡清清光寒氣襲軒楹
草根流水泠泠出石上潛魚箇箇橫
翠藹驚風和露滴白沙得雨照人明
故鄉近報

猶豺虎愁對滄浪詠濯纓

自天衣還城贈伯言

城上餘寒曉氣凝湖邊春樹綠層層
一山獨表秦王望衆水皆朝夏后陵
白眼嗣宗終嗜酒青鞋子美謾尋僧
仙都石室烟霞裏早晚相携策瘦藤

為黃元徽題畫松

黃子宅邊松十尋兩株相倚自成林
半空鸞鳳翻清影長日笙竽奏好音
豈但茯苓能却老更有琥珀可安心
風塵瀕洞還相憶寫掛高軒恨最深

秋感

日白天青木葉凋雲山漫漫故鄉遙石床墜露珠光動碧砌
幽花玉色銷十載故人俱土壤五更歸夢負漁樵懷來憶往
成惆悵蔓草羈蟲對寂寥

悼廢圃殘菊

舊菊將蕪尚有根高秋相顧耿無言芳心不共青莎死生態
猶欺白露繁要待靈均餐落蕊從教元亮耻空尊何人解識
淒涼意分付寒蟬仔細論

侍宴鍾山應

制時蘭州方奏捷

清和天氣雨晴時翠麥黃花夾路歧萬里玉關馳露布九霄
金闕綉雲旗龍文駉裏駉鸞輅馬乳蒲萄入羽卮衰老自慚

無補報叨陪儀鳳侍 瑤池

題李息齋墨竹

李侯貌出蒼筤竹葉上湘妃淚未乾烟雨晝迷丹鸞驚霜風
秋勁碧琅玕脩莖擬截伶倫管和氣潛驅嶰谷寒此意祗令
誰賞識高堂素壁靜時看

雲門寺作

若耶溪頭過新雨雲門寺前芳草長好將薜荔紉衣帶更取
辛蕘結佩縷綠鬢朱顏非昔日茂林修竹是他鄉東風且莫
吹花盡遠客傷春易斷腸

次韻和朱伯言自雲門之天衣途中作

即看梅蕊發江南漸見柔荑可浴蠶日鑄雨餘峰似髻雲門
煙合樹如蓋青猿不避游人過碧澗能消宿酒酣况有山僧
頗解事何妨聊駐使君驂

送陳子晟省親歸連江

連江此去二千里綵服趨庭及早春闈嶺白雲迎馬首建溪
碧水換龍鱗題橋免穎留南徼戀

闕丹心照 北辰鶴髮正須三釜養鳳城雨露四時新

送黃生 泣祀福建

九重發政懷川嶽使者承 宣下 紫宸玉瓚黃流敷帝澤
碧雞金馬出神珍風清五嶺烟霞肅春到三山雨露勻歸路

武夷溪九曲棠梨花映綠楊津

即事

春半餘寒似暮秋掩門高坐日悠悠樹頭獨立知風鵲屋角
雙鳴喚雨鳩芳意自隨流水逝華年不為老人留浮花冷葉
休相咲自古英賢總一漚

遣興

江上潮來風捲沙城頭畢逋烏尾訛燕泥半濕昨夜雨蛛網
忽粘何處花孤坐日月自閑暇出門岐路空交加漫將白髮
對芳草目送去鴻天一涯

乙卯歲首早朝

奉天殿柬翰林 大本堂諸友

枝上鳴嚶報早春 御溝波澹碧龍鱗
旂常影動千官肅 環珮聲來萬國賓
若乳露從霄漢落 非煙雲抱翠華新
從臣才俊俱揚馬 白首無能媿老身

元夜

玉漏遲遲出苑牆 星河疎淡月輝煌
送寒梅蘂清香細 報喜燈花紫燄光
金闕曉霞來若木 瑤池春色滿長楊
君王注意防驕佚 萬歲千秋樂未央

次韻和劉彥箕憶山中篇

句曲峰高倚太陽 不風巖谷自清凉
四時嵐彩霏瓊雪 百道

泉流湛玉霜 雅稱采芝追綺季 尤宜散髮學嵇康
龍鱗錯松當徑 鳳尾離襟竹過牆 月上海門蟾早覺
露寒天宇鶴先嘗 仙人卓劍降魑魅 道士書符禁獍狂
寶氣丹光生夜寂 黃精白木引年長 茅君虎卧瑤壇上
蕭史鸞棲碧殿旁 桂樹寒山遠 謝客桃花流水憶
劉郎 徠徠任占青蘿帳 薜荔從生綠石床
世難有身空自累 詩成無鴈倩誰將 欲憑錦瑟傳幽思
才理朱絃意已忘

彭澤阻風

風急雲飛江倒流 請君聊且駐蘭舟
浪翻彭蠡蛟螭橫 雲壓匡廬虎豹幽
懷古謾尋元亮菊 望鄉空倚仲宣樓
五更歸夢

三千里一日迴腸九萬周
嘯侶山樓憐野鹿
伴人水宿感沙鷗
中元都府神官會上界
星辰積氣浮地軸
西南連少昊天關
東北鎮陽侯兩峰對
擁青螺髻孤月初生
白玉鉤龍甲冷欺
俾蜃市蚌胎光奪
睡龍眸春撞急杵
濤驚枕滴瀝真珠
霰洒凋枯樹掛崖
眠復起老藤牽石
墜還留宮商調合
靈鐘夕鏘鏗稜
高峭壁秋繡被焚
香寒悄悄金環扣
瑟夜悠悠竹枝
寫恨傳巴女本客
長吟峇楚囚不寐
殘缸猶閃滅動情
鳴櫓數啞謳蒼梧
鳳逐重華去赤水
珠無罔象求大宅
高門荒町曠頽垣
敗塚鬧鵙塵埃漠
漠城笳怨蘆葦蕭
蕭戍鼓愁鬼火碧
穿燈火去狼烟黃
入燒烟道紫芝可
茹林多鱗紅鯉堪

層澤有虬萬國鋤犁俱劍戟
入陵松柏讓戈矛
哀野哭乾坤
慘踽踽途行面目
覿永憶盧敖
翔汗漫願隨
慧遠學清修
瑤臺青鳥歸何處
玄圃琪華爛莫收
滄海未容精衛塞
蓬萊定許偃佺遊
故園梅蓋相將發
倚賴春陽慰白頭

大師誠意伯劉文成公集卷之十六終

大田嬌意由隱文列公果卷之十六

